



07543

文獻通考卷第二百八十六

鄗 陽 馬 端 臨 貴

象緯考九

字彗

春秋魯文公十四年秋七月有星孛入於北斗字彗也既見而

移入北斗非常左傳周內史叔服曰不出七年宋齊晉

之君皆將死亂後三年宋紘昭公五年齊錢懿公七年晉紘靈公史服但言事徵禍不論其占

國非末學公羊傳孛者何彗星也彗如其言入於北斗

所得詳言據大辰不言入北斗有中中者魁中也何以書記異也孛者

邪亂之氣彗者掃舊布新之象穀梁傳孛之為言猶第也其曰入北斗

文獻通考卷一百一十一象緯

斗有環域也環字於大辰及東方皆不言入此言入者明斗有規郭以其魁中也劉向曰北斗貴

星人君之象也彗星亂臣之類言邪亂之臣將弑君

昭公十年冬有星孛於大辰大辰房心尾也傳曰有星孛於大

辰西及漢夏之八月辰星見在天漢西今字星出辰西光芒東及天漢夏戶雅反下文同見賢偏反

甲須曰彗所以除舊布新也申須魯大夫彗似天事恆

象天道恆以象類告示之今除於火火出必布焉諸侯其有火災

乎今火向伏故知當須火出乃梓慎曰往年吾見之是

其徵也徵始有形象而著也火出而見前年火出時見賢今茲火

出而章必火入而伏隨火其居火也久矣歷二其與不

然乎言必然也與如字又音預火出於夏為三月謂昏於商為四月



於周爲五月夏數得天正若火作其四國當之在宋

衛陳鄭乎宋大辰之虛也大辰大火陳太皞之虛也太皞

居陳木火鄭祝融之虛也祝融高辛氏皆火房也房舍

星孛及漢漢水祥也天漢衛顛頊之虛也故爲帝邱衛

濮陽縣昔帝顛頊居之其其星爲大水衛星營室水火

之壯也壯雄也其以丙子若壬午作乎水火所以合

也丙午火壬子水水火合而相薄水少而若火入而伏

必以壬午尙未知今字星當復隨火星不過其見之月

火在周公羊傳其言如大辰何據北斗言入於在大辰

也大辰者何大火也謂心大火爲大辰伐爲大辰伐謂

文獻通考善矣象緯二

也大火與俄天所以示民時早晚北辰亦爲大辰北辰

天下所以取正故謂之大辰時也北辰亦爲大辰北極

辰以別心俄所在故加亦亦者兩相須之意也二十六

年齊有彗星出齊之分野不齊侯使禳之晏子曰無益

也祇取誣焉誣欺天道不諂不貳其命諂疑若之何禳

之且天之有彗也以除穢也君無穢德又何禳焉若德

之穢禳之何損

哀公十三年冬十一月有星孛於東方平旦衆星皆沒

言所在公羊孛者何彗星也其言於東方何據北斗言

見於旦也旦者日方出時宿不復

貞定王二年彗星見

先公曰史表稱彗見於秦愚按春秋終於魯哀公之十四年而麟獲於魯左傳終於魯哀公之二十六年明年而彗見於秦天人之理何其昭昭也秦人亡二周滅六國包舉宇內并吞八荒廢井田開阡陌掃除先王之典籍彗之爲禍烈矣表彗見以爲傳鑑補遺之首書

考王八年彗星見

赧王十年彗星見 十二年彗星見 十九年彗星見

秦始皇七年彗星先出東方見北方五月見西方十六

日 九年彗見或竟天四月見西方又見北方從斗以

又獻通考

卷六

象緯

三

南八十日 十三年正月彗星見東方 三十三年明

星出西方

徐廣曰皇甫謐云彗星也

漢天文志秦始皇之時十五年間彗星四見久者八十日長或竟天後秦遂以兵兼六國外攘夷狄死人如麻

漢高帝三年七月有星孛於大角旬餘乃入劉向以爲是時項羽爲楚王伯諸侯而漢已定三秦項羽相距滎陽天下歸心於漢楚將滅故彗除王位也一曰羽阬秦卒燒宮室弑義帝亂王位故彗加之也

文帝後七年有星孛於西方其本直尾箕末指虛危長

丈餘及天漢十六日不見劉向以爲尾宋地今楚彭城也箕爲燕又爲吳越齊宿在漢中負海之國水澤地也是時景帝新立信用鼂錯將誅正諸侯其象先見後三年七國反皆誅滅云

孝景二年彗星出西南其三年吳楚七國反 中三年三月丁酉彗星見西北其色白長丈在背觸且去益小十五日不見占曰必有破國亂君伏死其辜背觸梁也其年梁王得罪

孝武建元三年二月有星孛於注張歷太微于紫宮至於天漢春秋星孛於北斗齊魯晉之君皆將死亂今星

文獻通考

卷一百一十五

象緯

四

孛歷五宿其後濟東膠西江都王皆坐法削黜自殺淮南衡山反誅 三年四月有星孛於天紀至織女占曰織女有女變天紀爲地震至四年十月而地動其後陳皇后廢 六年六月有星孛於北方劉向以爲明年淮南王安有邪謀而陳皇后驕恣其後廢后王誅八月長星出於東方長終天三十日去占曰是爲蚩九旗見則王者征伐四方其後兵誅四夷連數十年 元狩四年四月長星又出西北是時伐胡尤甚

班固曰建元六年蚩尤之旗見其長竟天後遂命將出征略取河南建置朔方其春戾太子生自是之後

師行三十年所誅屠夷滅死者不可勝數及巫蠱事
起京師流血僵尸數萬太子子父俱敗故太子生長
於兵與之終始何獨一嬖臣哉

劉奉世曰按武紀建元六年長星見更元

光至元朔元年春辰太子始生贊殊爲乖誤

元封元年五月有星孛於東井又孛於三台其後江充
作亂京師紛然此明東井三台爲秦地效也 元封中
星孛於河戍占曰南戍爲越門北戍爲胡門其後漢兵
繫拔朝鮮以爲樂浪元菟郡朝鮮在海中越之象也居
北方胡之域也 太初中星孛於招搖星傳曰客星守
招搖蠻夷有亂民死君其後漢兵擊大宛斬其王招搖
文獻通考

卷一百一十五

象緯

五

遠夷之分也

宣帝地節元年正月有星孛於西方去太白二丈所劉
向以爲太白爲大將彗孛加之掃滅之象也明年大將
軍霍光薨後二年家夷滅

元帝初元五年彗星出西北赤黃色長八尺所後數日
長丈餘東北指在參分後二歲餘西羌反

成帝建始元年正月有星孛於營室青白色長六七丈
廣尺餘劉向谷永以爲後宮懷妊之象彗星加之將有
害懷妊絕繼嗣者一曰後宮將受害也其後趙皇后立
妹爲昭儀害兩皇子上遂無嗣趙后姊妹卒皆伏誅

元延元年七月辛未有星孛於東井踐五諸侯

孟康曰五諸侯

星出河戍北牽行軒轅太微後日六度有餘晨出東方

十三日夕見西方犯次妃長秋斗填蝨炎再貫紫宮中

大火當後達天河除於妃后之域南逝度犯大角攝提

至天市而按節徐行

服虔曰謂行遲

炎入市中旬而後西去五

十六日與蒼龍俱伏谷丞對曰上古以來大亂之極所

希有也察其馳騁驟步芒炎或長或短所歷奸犯

師古曰奸

音干內為後宮女妾之害外為諸夏叛逆之禍劉向亦曰

三代之亡攝提易方秦項之滅星孛大角是歲趙昭儀

害兩皇子後五年成帝崩昭儀自殺哀帝即位趙氏皆

文獻通考

卷一百一十五

象緯

六

免官爵徙邊西哀帝亡嗣平帝即位王莽用事追廢成

帝趙皇后哀帝傅皇后皆自殺外家丁傅皆免官爵徙

合浦歸故郡平帝無嗣莽遂篡國

哀帝建平二年二月彗星出牽牛七十餘日傳曰彗所

以除舊布新也牽牛日月五星所從起歷數之元三正

之始彗而出之改更之象也其出久者為其事大也其

六月甲子夏賀良等建言當改元易號增漏刻詔書改

建平二年為太初元年號曰陳聖劉太平皇帝漏刻以

百二十為度八月丁巳悉復蠲除之賀良及黨與皆伏

誅流於其後卒有王莽篡國之禍

王莽地皇三年十一月有星孛於張東南行五日不見孛星者惡氣所生爲亂兵或謂之彗星所以除穢而布新也張爲周地星孛於張東南行卽軫翼之分軫翼爲楚是周楚地將有兵亂後一年正月光武起兵春陵破南陽更始爲天子都洛陽西入長安光武興河北復都洛陽居周地除穢布新之象

光武建武十五年正月丁未彗星見昴

炎長三丈韓楊占曰在昴大國

起兵也

稍西北行入營室犯離宮

韓楊占曰彗出營室東壁之間爲兵起也

月乙未至東壁滅見四十九日彗星爲兵入除穢昴爲邊兵彗星出之爲有兵至十一月定襄都尉陰承反太

文獻通考

卷一百一十五

象緯

七

守隨誅之盧芳從匈奴入居高柳至十六年十月降上璽綬一曰昴星爲獄事是時大司徒歐陽歙以事繫獄逾歲死營室天子之常宮離宮妃后之所居彗星入營室犯離宮是除宮室也是時郭皇后已疏至十七年十月遂廢爲中山太后立陰貴人爲皇后除宮之象 三
十年閏月甲午水星在東井二十度生白氣東南指炎長五尺爲彗東北行至紫宮西藩上五月甲子不見凡見三十一日水常以夏至放於東井閏月在四月尙未當見而見是贏而進也東井爲水衡水出之爲大水是歲五月及明年郡國大水壞城郭傷禾稼殺人民白氣

爲喪有炎作彗所以除穢紫宮天子之宮彗加其藩
除宮之象

荊州星經曰彗在東井國大人死七十日
主當之五十日相當之三十日兵將當之後

三年光武帝崩

孝明帝永平三年六月丁卯彗星出天船北長二尺所
稍北行至亢南百三十五日去天船爲水彗出爲大水
是歲伊洛水溢到津城門壞伊橋郡七縣三十二皆大
水 八年六月長星出柳張三十七度犯軒轅刺天船
陵太微氣至上階凡見五十六日去柳周地是歲多雨
水郡十四傷稼 十八年六月己未彗星出張長三尺
轉在郎將南入太微皆屬張張爲周地東都太微天子
文獻通考

舊唐書

象緯

八

延彗星犯之爲兵喪其八月帝崩

孝章建初元年八月庚寅彗星出天市長二尺所稍行
入牽牛三度積四十日稍滅十二月戊寅彗星出婁三
度長八九尺稍入紫宮中百六日滅爲大人忌後四年
明德皇后崩

孝安永初三年十二月彗星起天苑南東北指長六七
尺色蒼白天苑爲外軍彗星出其南爲外兵其後任尙
馬賢等擊羌降之

孝順永建六年彗星出於斗牽牛滅於虛危虛危爲齊
牽牛吳越故海賊浮於會稽山賊捷於濟南 六年二

月丁巳彗星見東方長六七尺色青白西南指營室及

墳墓星 郤萌占曰彗星出而中營室天 丁丑彗星在奎

一度長六尺癸未昏見 河圖曰彗星出貫奎庫兵悉出禍在強侯外夷胡應逆首誅也

西北歷昴畢甲申在東井遂歷輿鬼柳七星張光炎及

三台至軒轅中滅 古今注曰五月庚寅太白晝見 營室者

天子常宮墳墓主死彗星起而在墳墓營室不出五年

天下有大喪後四年孝順帝崩昴為邊兵又為趙羌周

馬父子後遂為寇又劉文劫清河相射嵩欲立王蒜為

天子嵩不聽殺嵩王閉門距文官兵捕誅文蒜以惡人

所劫廢為尉氏侯又徙為犍陽都鄉侯薨國絕歷東井

文獻通考 卷之三 象緯 九

輿鬼為秦皆羌所攻鈔炎及三台為三公是時太尉杜

喬及故太尉李固為梁冀所陷入坐文書死及至注張

為周滅於軒轅中為後宮其後懿獻后以憂死梁氏被

誅是其應也

孝桓建和元年八月乙丑彗星芒長五尺見天市中東

南指色黃白九月戊辰不見時梁冀驕亂 延熹四年

五月辛酉客星在營室稍順行生芒長五尺所至心一

度轉為彗占為大喪後四年鄧氏以憂死

孝靈光和元年八月彗星出亢北入天市中長數尺稍

長至五六丈赤色經歷十餘宿八十餘日乃消於天苑

中彗除天市天帝將徙帝將易都至初平元年獻帝遷都長安三年冬彗星出狼弧東行至於張乃去張爲周地彗星犯之爲兵亂後四年京都大發兵擊黃巾賊七月彗星出三台下東行入大微至太子幸臣二十餘日而消彗入太微天下易主至中平六年宮車晏駕光和五年二月彗星出奎逆行入紫宮後三出六十餘日乃消占曰彗除紫宮天下易主

孝獻初平三年九月蚩尤旗見長十餘丈色白出角亢之南占曰蚩尤旗見則王征伐四方其後曹公征討天下且三十年四年十月孛星出兩角間東北行入天

文獻通考

卷一百一十五

象緯

十

市中而滅占曰彗除天市天帝將徙帝將易都是時上在長安後二年東遷明年七月至洛陽其八月曹公迎上都許建安五年十月辛亥有星孛於大梁冀州分也時袁紹在冀州其年十一月紹軍爲曹軍所破七年夏紹死後曹公遂取冀州九年十一月有星孛於東井輿鬼入軒轅太微十一年正月星孛於北斗首在斗中尾貫紫宮及北辰占曰彗星掃太微宮人主易位其後魏文帝受禪十二年十月辛卯有星孛於鶉尾荆州分也時荆州牧劉表據荆州時益州從事周羣以荆州牧將死而失主明年秋表卒以小子琮自代曹公

將伐荊州琮懼舉軍詣公降 十七年十二月有星孛於五諸侯周羣以爲西方專據土地者皆將失土時益州牧劉璋據益州漢中太守張魯別據漢中韓遂據涼州宋建別據枹罕明年冬曹公遣偏將擊涼州十九年獲宋建韓遂逃於羌中病死其年璋失益州二十年秋公攻漢中魯降 二十三年三月孛星辰見東方二十餘日夕出西方犯歷五車東井五諸侯文昌軒轅后妃太微鋒炎指帝座占曰除舊布新之象也

魏文帝黃初六年十月乙未有星孛於少微歷軒轅占爲兵喪除舊布新之象時帝軍廣陵辛丑親御甲冑觀

文獻通考

卷一百一十五

象緯

十一

兵明年五月帝崩

明帝太和六年十一月丙寅有星孛於翼近太微上將星占曰爲兵喪甘氏曰孛彗所當之國是受其殃翼又楚分野孫權封略也明年權有遼東之敗又明年諸葛亮入秦川孫權發兵緣江淮屯要衝權自圍新城以應亮天子東征權 青龍四年十月甲申有星孛於大辰長三尺乙酉又孛於東方十一月己亥彗星見犯宦者天紀星占日大辰爲天王天下有喪劉向五紀論曰春秋星孛於東方不言宿者不加宿也宦者在天市爲中外有兵天紀爲地震孛彗主兵喪 景初二年八月彗

星見張長三尺逆西行四十一日滅占同上張周分野
少帝正始元年十月乙酉彗星見西方在尾長二丈拂
牽牛犯太白十一月甲子進犯羽林占曰尾爲燕又爲
吳牛亦吳越之分太白爲上將羽林爲中軍兵爲吳越
有喪中軍兵動二年五月吳遣三將寇邊吳太子登卒
六月宣帝討諸葛恪於皖太尉滿寵薨 六年八月戊
午彗星見七星長二尺色白進至張積二十三日滅
七年十一月癸亥又見軫長一尺積五十六日滅 九
年三月又見昴長六尺色青白芒西南指七月又見翼
長二尺進至軫積四十二日滅按占曰七星張爲周分

文獻通考

卷一百一十五

象緯

三

野翼軫爲楚昴爲趙魏彗所以除舊布新主兵喪也嘉
平元年宣帝誅曹爽兄弟及其黨與皆夷三族京師嚴
兵三年誅楚王彪又襲王陵於淮南淮南東楚也魏諸
王幽於鄴 嘉平三年十一月癸亥有星孛於營室西
行積九十日滅占曰有兵喪室爲後宮後宮有亂 四
年二月丁酉彗星見西方在胃長五六丈色白芒南指
貫參積二十日滅 五年十一月彗星又見軫長五丈
在太微左執法西南指積百九十日滅按占曰胃兖州
分之野參主兵太微天子庭執法爲執政孛爲兵喪
除舊布新之象正元元年二月李豐豐弟翼后父張緝

等謀亂皆誅皇后亦廢九月廢帝爲齊王

高貴鄉公正元元年十一月白氣出南斗側廣數丈長竟天王肅曰蚩尤之旗也東南其有亂乎 二年正月有彗星見於吳楚分西北竟天鎮東大將軍母邱儉等據淮南叛景帝討平之按占蚩尤旗見王者征伐四方自後又征淮南西平巴蜀是歲吳主孫亮立

吳五鳳元年長星見斗牛吳越分按占吳有兵喪除舊布新之象也太平三年孫緄盛兵圍宮廢亮爲會稽王故國志又書於吳也淮南江東同揚州地故於時變見吳楚之分則魏之淮南多與吳同其災是以母邱儉等文獻通考

卷一百一十五

象緯

三

以孛爲己應遂起兵而敗後三年卽魏甘露二年諸葛誕又反淮南吳遣將救之及城陷誕衆與吳兵死沒各數萬人猶前長星之應也

魏甘露二年十一月彗星見角色白占曰彗星見兩角間色白者軍起不戰邦有大喪景元元年高貴鄉公爲成濟所害

元帝景元三年十一月壬寅彗星見亢色白長五寸轉北行積四十五日滅占曰爲兵喪一曰彗星見亢天子失德四年鍾會鄧艾伐蜀剋之二將俱以反誅 咸熙二年五月彗星見王良長丈餘色白東南指積十二日

滅占曰王良天子御駟彗星掃之禪代除舊布新之象也白色爲喪王良在東壁宿又并州之分野八月元帝崩十二月武帝受魏禪

晉武帝泰始四年正月丙戌彗星見軫青白色西北行又轉東行占曰爲兵喪軫又楚分野三月皇太后王氏崩十月吳寇江夏襄陽 五年九月星孛於紫宮占如上紫宮天子內宮十年武元楊皇后崩 十年十二月有星孛於軫占曰天下有兵起軫又楚分野 咸寧二

年六月甲戌星孛於氏占曰天子失德易政氏又兗州分七月星孛於大角大角爲帝座八月星孛於太微至

文獻通考

星宿集

象緯

五

翼北斗三台占曰太微天子庭太人惡之一曰有改王翼又楚分野北斗主殺罰三台爲三公 三年正月星孛於西方三月星孛於胃胃徐州分四月星孛於女御女御爲後宮五月又孛於東方七月星孛紫宮占曰天下易主 四年四月蚩尤旗見東井後年傾三方伐吳是其應也 五年三月星孛於柳四月又孛於女御七月孛於紫宮占曰外臣陵主柳又三河分野大角太微紫宮女御竝爲王者明年吳亡是其應也孛主兵喪征吳之役三河徐兗之兵悉起交戰於吳楚之地吳丞相都督以下梟戮十數偏裨行陣之徒馘斬萬計皆其徵

也 太康二年八月有星孛於張占曰爲兵喪十一月
星孛於軒轅占曰後宮當之 四年三月戊申星孛於
西南是年齊王攸任城王陵琅瑯王佃新都王詠薨
八年九月星孛於南斗長數十丈十餘日滅占曰斗主
爵祿國有大憂一曰孛於斗王者疾病天下易政大亂
兵起 永熙元年四月客星在紫宮占曰爲兵喪太康
末武帝耽宴遊多疾病是月己酉帝崩元康元年賈后
誅楊駿及其黨與皆夷三族楊太后亦見弑又誅汝南
王亮太保衛瓘楚王偉王室兵喪之應也

惠帝元康五年四月有星孛於奎至軒轅太微經三台

文獻通考

卷一百一十五

象緯

五

大陵占曰奎爲魯又爲庫兵軒轅爲後宮太微天子庭
三台爲三司大陵有積尸死喪之事其後武庫火西羌
反後五年司空張華遇禍賈后廢死魯公賈謐誅又明
年趙王倫篡位於是三王興兵討倫兵士戰死十餘萬
人 永康元年十二月彗星出牽牛之西指天市占曰
牛者七政始彗出之改元易號之象也天市一名天府
一名天子旗帝座在其中明年趙王倫篡位改元尋爲
大兵所滅 二年四月彗見齊分占曰齊有喪時齊王

瓘起兵討趙王倫倫滅瓘明年復敗 泰安元年四月
彗星晝見 二年三月彗見東方指三台占曰兵喪象

三台爲三公三年正月東海王越執太尉長沙王又張
方又殺之 永興二年八月有星孛於昴畢占曰爲兵
喪昴畢又趙魏分野十月丁丑有星孛於北斗旋璣更
授天子出走又曰彊國發兵諸侯爭權是後諸王交兵
皆有應明年惠帝崩

成帝咸和四年七月有星孛於西北犯斗二十三日滅
占曰爲兵亂十二月郭默殺江州刺史劉允荊州刺史
陶侃討默斬之時石勒又始僭號 咸康二年正月辛
巳彗星夕見西方在奎占曰爲兵喪奎又爲邊兵三年
正月石季龍僭天王位四年石季龍伐慕容皝不克既
文獻通考 卷稽天 象緯 六
退黜追擊之又破麻秋時皝稱蕃邊兵之應也 六年
三月庚辰有星孛於太微七年三月杜皇后崩
康帝建元元年十一月六日彗星見亢長七尺白色占
曰亢爲朝廷主兵喪二年康帝崩

穆帝永和五年十一月乙卯彗星見於亢芒西向色白
長一丈 六年正月丁丑彗星又見於亢占曰爲兵喪
疾疫其五年八月褚裒北征兵敗十一月冉閔殺石遵
又盡殺胡十餘萬人於是中土復大亂十二月褚裒薨
是年大疫 升平二年五月丁亥彗星出天船在胃占
曰爲兵喪除舊布新出天船外夷侵一曰爲大水四年

五月天下大水五年穆帝崩

哀帝興寧元年八月有星孛於角亢入天市按占曰爲兵喪三年正月皇后王氏崩二月帝崩慕容恪攻沒洛陽沈勁等戰死

孝武寧康元年正月丁巳有星孛於女虛經氏亢角軫翼張至二月丙戌彗星見於氏九月丁丑有星孛於天市占曰爲兵喪太元元年七月苻堅破涼州虜張天錫

太元十五年七月壬申有星孛於北河或經太微三

台文昌入北斗色白長十餘丈八月戊戌入紫微乃滅占曰北河或一名胡門胡門有兵喪掃太微入紫微王

文獻通考

卷一百一十五

象緯

七

者當之三台爲三公文昌爲將相將相三公有災入北斗諸侯戮一曰掃北斗強國發兵諸侯爭權大人憂二十一年帝崩隆安元年王恭殷仲堪桓元等發兵請追王國寶朝廷從而殺之司馬道子由是失勢禍亂成矣安帝隆安四年二月己丑有星孛於奎長三丈上至閣道紫宮西蕃入北斗魁至三台三月遂經於太微帝座端門占曰彗星掃天子庭閣道易主之象也經三台入北斗同上條十二月戊寅有星孛於貫索天市天津占曰貴臣獄死內外有兵喪天津爲賊斷王道天下大動按占災在吳越五年二月有孫恩兵亂攻侵郡國於

是內外戒嚴營陣屯守柵斷淮口九月桓元表至逆謀
陵上其後元遂篡位亂京都大饑人相食百姓流亡皆
其應也 義熙十一年五月甲申彗星二出天市掃帝
座在房心北房心宋之分野按占得彗柄者興除舊布
新宋興之象 十四年五月庚子有星孛於北斗魁中
七月癸亥彗星出太微西柄起上相星下芒漸長至十
餘丈進掃北斗紫微中台占曰彗出太微社稷亡天下
易主入北斗紫微帝宮空十四年劉裕還彭城受宋公
十二月安帝崩

恭帝元年正月戊戌有星孛於太微西蕃占曰革命之
文獻通考

卷一百一十五

象緯

六

徵其年宋有天下

宋武帝永初三年二月丙戌有星孛於虛危十一月戊
午有星孛於營室

少帝景平元年正月乙卯有星孛於東壁十月己未有
星孛於氏

文帝元嘉十九年九月丙辰有客星在北斗因爲彗入
文昌貫五車掃畢拂天節經天苑季冬乃滅 二十六

年十月癸卯彗星見於太微 二十八年四月乙卯彗
星見於昴六月壬子見太微中對帝座次年元凶劬構

逆帝崩

齊東昏侯永元三年正月乙巳長星見竟天三月壬戌
蚩尤旗見

和帝中興元年三月乙巳彗星竟天

梁武帝中大通五年正月己酉長星見 大同五年十
月辛丑彗出南斗長一尺餘東南指漸長一丈餘十一
月乙卯至婁滅占曰天下有謀王者其八年至月安成
民劉敬恭挾左道反黨與數萬九年李賁稱皇帝於交
州

陳文帝天嘉三年九月癸丑彗星長四尺芒指西南占
曰彗星見則敵國兵起得本者勝其年周將獨孤盛領

文獻通考

卷一百一十五

象緯

九

衆趣巴湘侯瑱襲破之 六年六月辛酉有彗長丈餘
見於上台占曰陰謀姦宄起一曰宮中火起其後帝崩
安成王廢少帝而自立陰謀之應也

廢帝光大二年六月丁亥彗星見

宣帝大建七年四月丙戌有星孛於大角占曰人主亡

十二年十二月辛巳彗星見西南占曰有兵喪明年

帝崩始興王叔陵作亂

後魏明元帝泰常元年五月甲申彗星二見

北齊武成帝河清四年三月彗星見占曰除舊布新易

王至四月傳位太子

後主天統元年六月壬戌彗星出文昌東北其大如手
後移長乃至丈餘百日乃滅 四年彗星見於東井七
月孛星見房心白如粉絮大如斗東行八月入天市漸
長四丈犯瓠瓜歷虛危入室犯離宮九月入奎至婁而
滅孛者孛亂之氣占曰兵喪竝起易政大臣誅其後太
上皇崩至武平二年琅琊王儼矯詔誅錄尚書和士開
旣而殺儼

周武帝保定五年六月庚申彗星出三台入文昌犯上
將後經紫宮西垣入危漸長一丈餘指室壁後百餘日
稍短長二尺五寸滅虛危齊之分野 天和三年六月

文獻通考

卷一百一十五

象緯

五

甲戌彗見東井長一丈上白下赤而光漸東行至七月
癸卯在鬼北八寸所乃滅占曰爲兵國政崩壞將軍死
大臣誅 建德三年四月乙卯有星孛於紫宮垣外大
如拳色赤白指五帝座漸東南行稍長一丈五尺五月
甲子至上台北乃滅占曰天下易政無德者亡後二年
帝滅齊

隋文帝開皇八年十月甲子有星孛於牽牛占曰臣殺
君天下合謀內不有大亂則外有大兵牛吳越之星陳
之分野後年陳氏滅 十四年十一月癸未有彗星孛
於虛危及奎婁齊魯之分野其後魯公虞慶則伏法齊

公高頰除名

煬帝大業三年二月乙丑彗星見於東井文昌歷大陵
五車北河入太微掃帝座前後百餘日而止三月辛亥
長星見西方竟天干歷奎婁角亢而沒至九月辛未轉
見南方亦竟天又干角亢頰掃太微帝座干犯列宿唯
不及參井經歲乃滅占曰去襪布新天所以去無道建
有德見久者災深星大者事大行遲者期遠兵大起國
大亂而亡餘殃爲水旱饑饉土功疾疫其後築長城討
吐渾及高麗兵戎連歲水旱疾疫土功相仍羣盜并起
邑落空虛 四年彗星出五車掃文昌至房而滅 十

文獻通考

卷一百一十五

象緯

三

一年六月有星孛於文昌東南長五六寸色黑而銳夜
動搖西北行數日至文昌去宮四五寸不入却行而滅
占曰爲急兵其八月突厥圍帝於鴈門矢及帝前 十
三年六月有星孛於太微五帝座色黃赤長三四尺所
數日而滅占曰有亡國殺君明年三月宇文化及弑帝
九月彗見於營室

唐高祖武德九年二月壬午有星孛於胃昴間丁亥孛
於卷舌孛與彗皆非常惡氣所生而孛災甚於彗

太宗貞觀八年八月甲子有星孛於虛危歷元枵乙亥
不見 十三年三月乙丑有星孛於畢昴 十五年六

月己酉有星孛於太微犯郎位七月甲戌不見

高宗龍朔三年八月癸卯有彗星於左攝提長二尺餘
乙巳不見攝提建時節大臣象 乾封二年四月丙辰
有彗星於東北在五車畢昴間乙亥不見 上元二年

十二月壬午有彗星於角亢南長五尺 三年七月丁

亥有彗星於東井指北河長三尺餘東北行光芒益盛

長三丈掃中台指文昌九月乙酉不見東井京師分中

台文昌將相位兩河天關也 開耀元年九月丙申有

彗星於天市中長五丈漸移東行至河鼓癸丑不見市

者貨食之所聚以衣食生民者一曰帝將遷都河鼓將

文獻通考

卷一百一十五

象緯

三

軍象 永淳二年三月丙午有彗星於五車北四月辛
未不見

中宗光宅元年九月丁丑有星如半月見於西方月衆

陰之長星如月者陰盛之極 文明元年七月辛未夕

有彗星於西方長丈餘八月甲辰不見是謂天欃 景

龍元年十月壬午有彗星於西方十一月甲寅不見

二年二月丁酉有星孛於胃昴間胡分也八月壬辰有

星孛於紫宮

獻宗太極元年六月有彗星自軒轅入太微至太角滅

元宗開元十八年六月甲子有彗星於五車癸酉有星

孛於畢昴 二十六年三月丙子有星孛於紫宮垣歷
北斗魁旬餘因雲陰不見

肅宗乾元三年四月丁巳有彗星於東方在婁胃閒色
白長四尺東方疾行歷昴畢觜觸參東井輿鬼柳軒轅
達右執法西凡五旬餘不見閏月辛酉朔有彗星於西
方長數丈至五月乃滅婁爲魯胃昴畢爲趙觜觸參爲
唐東井輿鬼爲京師分柳其半爲周分二彗乃見者薦
禍也又婁胃閒天倉

代宗大歷元年十二月己亥有彗星於瓠瓜長尺餘經
二旬不見犯宦者星 五年四月己未有彗星於五車

文獻通考

卷一百一十五

象緯

五

光芒蓬勃長三丈五月己卯彗星見於北方色白癸未
東行近八穀中星六月癸卯近三公己未不見占曰色
白者太白所生也 七年十二月丙寅有長星於參下
其長亘天長星彗屬參唐星也

憲宗元和十年三月有長星於太微尾至軒轅 十二
年正月戊子有彗星於畢

穆宗長慶元年正月己未有星孛於翼二月丁卯孛於
太微西上將六月有彗星於昴長一丈凡十日不見

文宗太和二年七月甲辰有彗星於右攝提南長二尺
八年九月辛亥有彗星於太微長丈餘西北行越郎

位庚申不見 開成二年三月丙午有彗星於危長七尺餘西指南斗戊申在危西南芒耀愈盛癸丑在虛辛酉長丈餘西行稍南指壬戌在婺女長二丈餘廣三尺癸亥愈長且濶三月甲子在南斗乙丑長五丈其末兩歧一指氏一掩房丙寅長六丈無歧北指在亢七度丁卯西北行東指己巳長八丈餘在張癸未長三尺在軒轅右不見凡彗星晨出則西指夕出則東指乃常也未有徧指四方凌犯如此之甚者八月丁酉有彗星於虛危虛危爲元枵枵耗名也 三年十月乙巳有彗星於

軫魁長二丈餘漸長西指十一月乙卯有彗星於東方

文獻通考

卷稽笑

象緯

二五

在尾箕東西亘天十二月壬辰不見 四年正月癸酉

有彗星於羽林衛分也閏月丙午有彗星於卷舌西北

二月己卯不見 五年二月庚申有彗星於營室東壁

間二十日滅十一月戊寅有彗星於東方燕分也

武宗會昌元年七月有彗星於羽林營室東壁間也十

一月壬寅有彗星於北落師門在營室入紫宮十二月

辛卯不見并州分也

宣宗大中六年三月有彗星於觜參參唐星也 十一

年九月乙未彗星於房長三尺

懿宗咸通五年五月己亥夜漏未盡一刻有彗星出東

方色黃白長三尺在婁徐州分也 九年正月有彗星於婁胃 十年八月有彗星於大陵東北指占爲外夷兵及水災

僖宗乾符四年五月有彗星 光啓元年有彗星於積水積薪之閒 二年五月丙戌有星孛於尾箕歷北斗攝提占曰貴臣誅

昭宗大順二年四月庚辰有彗星於三台東行入太微掃大角天市長十丈餘五月甲戌不見宦者陳匡知星奏曰當有亂臣入宮三台太一三階也太微大角帝庭也天市都市也 景福元年五月蚩尤旗見初出有白

文獻通考

卷宿矣

象緯

三五

彗形如髮長二尺許經數日乃從中天下如匹布至地如蛇六月孫儒攻楊行密於宣州有黑雲如山漸下隊於儒營上狀如破屋占曰營頭星也十一月有星孛於斗牛占曰越有自立者十二月丙子天欖出於西南己卯化爲雲而沒 二年三月天久陰至四月乙酉夜雲稍開有彗星於上台長十丈餘東行入太微掃大角入天市經三旬有七日益長至二十餘丈因雲陰不見乾寧元年正月有星孛於鶉首秦分也 天祐二年四月甲辰有彗星見於北河貫文昌長三丈餘陵中台下台五月乙丑夜自軒轅左角及天市西垣光芒猛怒其

長亘天丙寅雲陰至辛未少霽不見兩河爲天闕在東
井閒而北河中國所經也文昌天之六司天市都市也
梁太祖乾化二年四月壬申彗出張甲戌彗出靈臺
後唐明宗天成三年十月庚午彗出西南長丈餘東南
指在牛宿五度至三夕不見

末帝清泰三年九月己丑彗出虛危長尺餘形微細經
天壘哭星其年十一月帝遇難晉高祖登位

晉高祖天福六年九月壬子彗出西方掃天市垣長丈
餘八年十月庚戌彗見東方西指尾跡長一尺在角
九度

文獻通考

卷稽全

象緯

三

周世宗顯德三年正月壬戌夜有星孛於參宿其芒指
於東南

宋太祖皇帝開寶八年六月甲子彗出柳長四丈晨見
東方西南指歷輿鬼至東壁凡十一舍八十三日而滅
是歲平江南

太宗端拱二年六月戊子有彗出東井積水西青白色
光芒漸長晨見東北旬日夕見西北歷右攝提凡三十
日至亢沒

眞宗咸平元年正月甲申有彗出營室北光芒尺餘至
丁酉凡十四日滅六年十一月辛亥旄頭犯輿鬼占

與尋同甲寅有星孛於井鬼大如杯色青白光芒四尺餘犯五諸侯歷五車入參凡三十餘日沒占有燕兵明年冬契丹入寇天禧二年六月辛亥彗出北斗魁第二星東北長三尺許與北斗第一星齊北行經天牢拂文昌長三丈餘歷紫微三台軒轅遠行而西至七星凡三十七日沒

仁宗明道二年二月戊戌東北方有含譽星見其色黃白有光芒長二尺許其後章獻明肅太后崩或以爲彗景祐二年八月壬戌夜有星孛於張翼長七尺濶五寸十二日而沒十二月己未夜有星出外屏有芒氣

文獻通考

卷之三

象緯

三

皇祐元年二月丁卯彗出虛晨見東方西南指歷紫微至箕凡一百一十四日而沒占曰有兵喪嘉祐元年七月彗出紫微歷七星其色白長丈餘至八月癸亥滅英宗治平三年三月己未彗出營室晨見東方長七尺許西南指危泊墳墓漸東遠行近日而伏至辛巳夕見西北有星無芒彗益東行別有白氣一濶三尺許貫紫微極星并房宿首尾入濁益東行歷文昌北斗貫尾至壬午星復有芒彗長丈餘濶三尺餘東北指歷五車白氣爲岐橫天貫北河五諸侯軒轅太微五帝座內五諸侯及角亢氏房宿癸未彗長丈五尺有星孛氣如一升

器歷營室至張凡一十四舍積六十七日星氣孛皆滅
占曰白氣長星也孛氣孛也光如帚者彗也爲兵喪水
旱饑疫之災

神宗熙寧八年十月乙未星出東南軫度中如填青白
丙申西北生光芒長三尺斜指軫若彗丁酉光芒長五
尺戊戌長七尺斜指左轄至丁未入濁不見主兵喪
元豐三年七月癸未彗出西北太微垣郎位南白氣長
一丈斜指東南在軫度中丙戌向西北方行在翼度中
戊子長三尺斜穿郎位癸卯犯軒轅至丁酉入濁不見
庚子晨復出於張度中至戊午凡三十有六日沒不見
文獻通考

卷六

象緯

元

主除舊布新兵喪火災又主京城有兵變

哲宗紹聖四年八月己酉彗出氐度中如填有光色白
氣長三尺斜指天市垣中星九月壬子光芒長五尺入
天市垣己未犯天市宦者主侍臣有憂庚申犯天市垣
帝座戊辰沒不見主兵喪大水及赦又主五穀大貴侍
臣有憂又主人民亂大臣憂

徽宗崇寧五年正月戊戌彗出西方如杯口大光芒散
出如碎星長六丈濶三尺斜指東北自奎宿貫箕胃昴
畢後入濁不見主兵喪大饑西北宜備之 大觀四年
五月丁未彗出奎婁光芒長六尺北行入紫微垣至西

北入濁不見主水旱穀傷兵饑人主惡之

欽宗靖康元年六月壬戌彗出紫微垣主天下兵變破軍亡國閏十一月彗竟天時金人入寇京城失守

高宗紹興元年九月僞齊長星見於是劉豫謀明年遷十二月戊寅彗星見 二年八月甲寅彗見胃占彗大

則除舊布新兵饑疫癘水旱交興至九月甲戌乃沒次年金虜陷金州入興元 十五年四月戊寅彗出東方

宿度內五十餘日乃沒占爲兵饑臣下失忠務私彗掃除之丙申復出參度旬有五日乃伏是歲蒙國始建號

改元五月丁巳彗星因爲客星其色青白占喪 十六

文獻通考

卷舊矣

象緯

元

年十二月戊戌彗出西南危宿 十七年正月乙亥彗

出東北方女宿二月二日乃伏 二十二年七月丙午

彗見東北方井宿丙丁未其星如木星光芒長二尺占

天所以去無道建有德彗出有叛者兵起大水晉邦尤

甚彗晨見東方又爲君臣爭明癸丑夜彗星犯五諸侯

占大臣憂執法之臣凶

孝宗淳熙二年七月辛丑夜泛出一小星在紫微垣外

七公星之上小如火星參然蓬勃體氣蒼白是爲孛星

占孛星惡氣所生爲亂兵孛德又云參然孛焉兵之類

也無內亂則水兵天下合謀闇蔽不明有所傷害災甚

於彗

寧宗嘉定十五年八月甲午彗星出右攝提光芒約三丈以上其體小如木星凡兩月行歷氐房心乃沒占彗本類星末類彗大則除舊布新天所以去無道而建有德彗出有叛者兵起其國彗星昏見其國受兵於是其應金主徂九月壬戌彗星消伏

文獻通考

卷一百一十六

象緯

彗

卷二百八十六終

文獻通考卷第二百八十七

鄗 陽 馬 端 臨 貴 與 著

象緯考十

月五星凌犯

秦始皇之時熒惑守心及天市芒角色赤如雞血始皇既死適庶相殺二世卽位殘骨肉戮將相太白再經天因以張楚竝興兵相踣藉踏音臺登攝也或作踣秦遂以亡

漢高帝三年秋太白出西方有光幾中

幾中近逾身

乍北乍

南過期乃入辰星出四孟法當出四仲出四孟爲易主之象

是時項羽

爲楚王而漢已定三秦與相距滎陽太白出西方有光

文獻通考

象緯全

象緯

一

幾中是秦地戰將勝而漢國將興也辰星出四孟易王之表也後二年漢滅楚 十二年春熒惑守心心爲天王也

四月宮車晏駕

孝文帝後七年七月火東行行畢陽環畢東北出而西逆行至昴卽南乃東行占曰爲喪死寇亂畢昴趙也其

年帝崩

孝景三年填星在婁幾入還居奎奎魯也占曰其國得

地爲得填星是歲魯爲國 四年七月癸未火入東井

行陰又以九月己未入輿鬼戌寅出占曰爲誅又爲火

災後二年有栗氏事其後未央東關災 中元三年眞

星當在觜觿參去居東井占曰亡地不乃有女憂
孝武建元六年熒惑守輿鬼占曰爲火變有喪是歲高
園火災竇太后崩 元鼎五年太白入於天苑占曰將
以馬起兵一曰馬將以軍而死耗其後以天馬故誅大
宛馬大死於軍 元鼎中熒惑守南斗占曰熒惑所守
爲亂賊喪兵守之久其國絕祀南斗越分也其後越相
呂嘉殺其王及太后漢兵誅之滅其國

孝昭始元中漢宦者梁成恢及燕王候星者吳莫如見
蓬星出西方天市東門行過河鼓入營室中恢曰蓬星
出六十日不出三年下有亂臣戮死於市後太白出西

文獻通考

卷七

象緯

二

方下行一舍復上行二舍而下去太白主兵上復下將
有戮死者後太白出東方入咸池東下入東井人臣不
忠有謀上者後太白入太微西藩第一星北出東藩第

一星北東下去太微者天廷也太白行其中宮門當閉
大將披甲兵邪臣伏誅熒惑在婁逆行至奎法曰當有
兵後太白入昴莫如曰蓬星出西方當有大臣戮死者
太白星入東井太微延出東門漢有死將後熒惑出東
方守太白兵當起主人不勝後流星下燕萬載宮極東

去

李奇曰極屋梁也三輔問名爲極或曰棟極也三輔
問名棟爲極尋棟東去也延篤謂之堂前闕楹也

法曰國恐有誅其後左將軍桀驃騎將軍安與長公主

燕刺王謀作亂咸伏其辜兵誅烏桓

孝宣本始元年四月壬戌甲夜辰星與參出西其二年

七月辛亥夕辰星與翼出皆爲蝥占曰大臣誅其後熒

惑守房之鉤鈴鉤鈴天子之御也晉灼曰上言房爲天駟其陰右驂傍有二

星曰鈴故曰占曰不太僕則奉車不出卽死也房心天子之御也

子之宮也房爲將相心爲子屬也其地宋今楚彭城也

四年七月甲辰辰星在翼月犯之占曰兵起上卿死

將相也是日熒惑入輿鬼天質占曰大臣有誅者名曰

天賊在大人之側地節元年正月戊午乙亥月食熒

惑孟康曰凡星入月見月中爲星食月月掩星星減爲月食星熒惑在角亢占日憂

文獻通考卷之三象緯

在宮中非賊而盜也有內亂讒臣在旁其辛酉熒惑入

氐中氐天子之宮熒惑入之有賊臣後四年霍氏謀反

坐誅

孝成建始四年七月熒惑逾歲星居其東北半寸所如

連李時歲星在關星西四尺所熒惑初從畢口大星東

東北往數日至往疾去遲占曰熒惑與歲鬪有病君饑

歲至河平元年三月旱傷麥民食榆皮二年十二月壬

申太皇太后避時昆明東觀如淳曰食貨志武帝修昆明池列觀環之或曰卽病

避其時十一月乙卯月食填星星不見時在輿鬼西

北八九尺所占日月食填星流民千里至河平元年三

月流民入函谷關 河平二年十月下旬填星在東井

軒轅南專大星尺餘歲星在其西北尺所熒惑在其西北二尺所皆從西方來填星貫與鬼先到歲星次熒惑亦貫與鬼十一月上旬歲星熒惑西去填星皆西北逆

行占曰三星若合是謂驚位是謂絕行外內有兵與喪改立王公其十一月丁巳夜郎王歆大逆不道牂牁太守立捕殺歆三年九月東郡盜起左將軍千秋卒史丹爲左將軍明年梁王賀薨 陽朔元年七月壬子月犯

心星占曰其國有憂若有大喪房心爲宋今楚地十一月楚王友薨 綏和二年春熒惑守心二月乙丑丞相

文獻通考

卷一百一十五

象緯

四

翟方進欲塞災異自殺二月丙戌宮車晏駕

哀帝元壽元年十一月歲星入太微逆行于右執法占曰大臣有憂執法者誅若有罪二年十月戊寅高安侯董賢免大司馬歸第自殺

李尋上疏曰臣聞五星者五行之精五帝司命應王者號令爲之節度歲星主歲事爲統首號令所紀今失度而盛此君指意欲有所爲未得其節也又填星

不避歲星者后帝共政相留於奎婁 張晏曰歲星爲帝填星爲女主

也 當以義斷之熒惑往來亡常周歷兩宮作態低昂

張晏曰兩宮謂紫微太微入天門上明堂貫尾亂宮 孟康曰角兩星爲天門房

爲明堂尾爲後宮蘇林曰常占當從
尾北而今貫之尾爲後宮之義也 太白發越犯庫

張晏曰發越疾貌庫天
庫也孟康曰奎爲天庫 兵寇之應也貫黃龍入帝庭

張晏曰黃
龍軒轅也 當門而出隨熒惑入天門至房而分欲與

熒惑爲患不敢當明堂之精此陛下神靈故禍亂不

成也熒惑厥地 張晏曰厥地動搖貌 佞巧依勢微言毀譽進類

蔽善 師古曰進其黨 太白出端門 孟康曰端門太微正南門 臣有

不臣者火入室金上堂 張晏曰熒惑入營室也孟康曰火入室謂熒惑歷兩宮也

金謂太白也上 不以時解其憂凶填歲相守又主內

亂宜察蕭牆之內毋忽親疏之微 師古曰微謂其事微 誅放佞

人防絕萌芽以盪滌濁滅消散積惡 師古曰滅與穢同也 母使

文獻通考

卷一百一十五

象緯

五

得成禍亂辰星主正四時當效於四仲四時失序則

辰星作異今出於歲首之孟天所以譴告陛下也政

急則出早政緩則出晚政絕不行則伏不見而爲彗

彗 師古曰彗與字同 四孟皆出爲易王命四季皆出爲星家

所譴今幸獨出寅孟之月蓋皇天所以篤祐陛下 師古

曰篤厚也祐與右同右猶助也 宜深自改治國故不可以戚戚欲速

則不達經曰三載考績三考黜陟 師古曰虞書舜典之辭也言三年一

考功績三考 一行黜陟也 加以號令不順四時既往不咎來事之

師也

莽地皇四年秋太白在太微中燭地如月太白爲兵

太微爲天庭太白羸而北入太微是大兵將入天子
廷也時莽遣兵至昆陽爲光武所破漢將鄧曄進攻
京師十月殺莽大兵蹈籍宮廷之中更始入長安敗
赤眉立劉盆子爲天子皆以大兵入宮廷是其應也
光武建武六年九月丙戌月犯太微西藩十一月辛亥
月犯軒轅 七年九月庚子土入鬼中漢史鎮星逆行
輿鬼女主貴親有憂巫咸曰有土功事是歲太白經太
微 八年四月辛未月犯房第二星光芒不見 九年

正月乙卯金犯婁南星甲子月犯軒轅第二星壬寅犯
心大星七月戊辰月竝犯昴皇帝星占土犯鬼皇后有
文獻通考 卷之三 象緯 六

憂失亡其勢河圖月犯房天子有憂四足之蟲多死漢
史曰國有憂將軍死 九年七月乙卯金犯軒轅大星
十一月金又犯軒轅 孟康曰犯七寸以丙光芒相及
也韋昭曰自下往觸之曰犯 軒

轅者後宮之官大星爲皇后金犯之爲失勢時郭后已
失勢見疏後廢爲中山太后 十二年七月丁丑月犯
昴頭兩星八月辛酉水見東方翼分九月甲午火犯輿
鬼 十三年二月乙卯火犯輿鬼西北黃帝占曰熒惑

守輿鬼大人憂一曰多火災石氏曰爲旱 十六年四
月土星逆行 十七年三月乙未火逆行從東門入太

微到執法星東己西南出端門 十八年十二月壬戌

月犯木星 十九年閏月戊申火逆從氏到亢 二十一年七月辛酉月入畢 二十三年三月癸未月食火星
星都萌占熒惑逆行氏爲失火 三十一年七月戊午火在輿鬼一度入鬼中出尸星南半度十月己亥犯軒轅大星熒惑爲凶哀其後二年光武崩 中元二年八月丁巳火犯太微西南角星相去二寸西南角星爲將相後太尉趙熹司徒李訢坐事免官

孝明永平元年閏九月辛未火在太微左執法星所光芒相及十一月辛未土逆行乘東井北軒轅第二星

二年十二月戊辰月食火星 十年七月甲寅月犯歲

文獻通考

卷之七

象緯

七

星 十一年六月壬辰火犯土星 十三年閏月丁亥

火犯輿鬼爲大喪質星爲大臣誅戮 晉灼曰鬼五星其中白者爲質 其

年十二月楚王英坐謀逆自殺 十五年十一月乙丑

太白八月中爲大將戮人主亡不出三年後三年孝明

帝崩 十六年正月丁丑歲星犯房右驂北第一星不

見辛巳乃見 石氏星經曰歲星守房良馬出廡古今注曰正月丁未月犯房 房右驂爲

貴歲星犯之爲見誅是後司徒邢穆坐與阜陵王延交

通知逆謀自殺四月癸未太白犯畢畢爲邊兵後北匈奴

寇入雲中至咸陽使者高弘發三郡兵追討無所得

太僕祭彤坐不進下獄

孝章建初元年正月丁巳太白在昴西一尺二月甲申金入斗魁

孝和永元二年九月金犯軒轅占曰女主失勢其年竇氏被誅太后失勢 五年正月甲戌月乘歲星七月壬

午歲星犯軒轅大星九月金在南斗魁中爲水石氏日爲旱 爲

大將將死火犯房北第一星爲將相其六年正月司徒

丁鴻薨十二月車騎將軍鴻坐追虜失利下獄死 六

年六月丁亥金在東井 十三年正月辛未水乘輿鬼

十二月癸巳犯軒轅大星 十四年正月乙卯月犯軒

轅在太微中二月丁酉水入太微西門 十六年七月

文獻通考 卷一百一十五 象緯 八

庚午水在輿鬼中輿鬼爲死喪後一年帝崩

孝安永初元年五月戊寅熒惑逆行守心前星心爲天

子明堂熒惑逆行守之爲反臣時安帝未臨朝鄧太后

攝政鄧騭及第悝等秉國司空周章意不平謀閉宮門

誅騭等廢太后及帝事覺自殺 三年正月庚戌月犯

心後星河圖曰亂臣在傍 己亥太白入斗中月犯心後星不利

於心爲宋五月丁酉沛王牙薨太白入斗中爲貴相凶

臣昭然揚厚對曰以爲諸侯王子多在京師容有非常

宜亟發還本國太后從之星尋滅不見以斯而言太白

入之災 六月癸酉太白入輿鬼爲將凶後中郎將任尚
在貴相 坐贓棄市 元初元年三月癸酉熒惑入輿鬼 二年

九月辛酉熒惑入輿鬼中 三年三月熒惑入輿鬼中

五月丙寅太白入畢日 黃帝占大敗近期十五日遠期

七月甲寅歲星入輿鬼閏月己未太白犯太微左執法

四年正月丙戌歲留輿鬼 石氏經曰歲星入雷輿鬼

日不下民半死黃帝經曰守鬼十日金錢散 四月壬戌

諸侯 鄒萌曰五穀多傷民以饑死者無數 太白入輿鬼中 石氏占太白入鬼一日 將戮死 己巳辰星入輿

鬼中 鄒萌曰以罪誅大臣一 五月巳卯辰星犯歲星六

月丙申熒惑入輿鬼中戌戌犯輿鬼大星九月辛巳太

白入南斗口 黃帝經曰大人 五年三月丙申鎮星

犯東井錢星五月庚午辰星犯輿鬼質星丙戌太白犯

文獻通考 卷之國易政 象緯 九

錢星 六年四月癸丑太白入輿鬼 鄒萌曰太白守 六

月丙戌熒惑在輿鬼中 黃帝經曰熒惑犯守鬼國有大

占曰熒惑犯鬼忠臣 丁卯鎮星在輿鬼中 黃帝經曰鎮

戮死不出一年中 氏曰大人憂 辛未太白犯左執法自永初五年到永寧

七年中太白一晝見經天再入輿鬼一守畢再犯左執

法入南斗犯鉞星熒惑五入輿鬼鎮星一犯東井鉞星

一入輿鬼歲星辰星再入輿鬼凡五星入輿鬼中皆為

死喪熒惑太白其犯鉞質星為誅戮斗為貴將執法為

近臣客星在虛危為喪為哭泣 星占曰不一 昂畢為邊

兵又為獄事至建光元年三月癸巳鄧太后崩五月庚

申太后兄車騎將軍騰等七侯皆免官自殺是其應也

延光 古今注曰元年四月兩午太白晝見 二年八月己亥熒惑出太微

端門 三年二月辛未太白犯昴 石氏星占曰大白守昴兵從門闕入主人

走鄰萌曰不有亡國必有誅主又云入昴大赦 五月癸丑太白入畢 鄰萌曰太白入畢日

日有中喪 九月壬寅鎮星犯左執法 四年四月太白入輿鬼中 古今注曰四月甲辰入 六月壬辰太白出太微九月

甲子太白入斗口中十一月客星見天市熒惑出太微

為亂臣太白犯昴畢為近兵一曰大人當之鎮星犯左

執法有誅臣太白入輿鬼中為大喪太白出太微為中

宮有兵入斗口為貴將相有誅時大將軍耿寶中常侍

文獻通考 象緯 十

江京與阿母王聖等構譖太子保廢之以北鄉侯懿代

四年三月帝崩立北鄉侯侯病薨京等復不欲立保白

太后更徵諸王子擇所立中黃孫程等共誅江京閣顯

立保為天子是為順帝皆姦人強臣狂亂王室其於死

亡誅戮兵起宮中是其應也

孝順永建二年二月丁巳月犯心七月丁酉犯昴八月

乙巳熒惑入輿鬼 三年二月癸未月犯心後星 五

年夏熒惑守氏諸侯有斬者是冬班始腰斬馬市 六

年四月熒惑入太微中犯左右執法西北方六寸所

永和二年八月庚子熒惑犯南斗斗為吳 黃帝經曰不期年國有亂

有憂海中占爲多火災一日旱古
今注曰九月壬午月入畢口中
明年五月吳君太守

行丞事羊珍等反又江賊蔡伯流等攻廣陵燒城郭殺
都尉 三年八月甲寅辰星入輿鬼己酉熒惑入太微
辰入輿鬼爲大臣有死者入太微亂臣在廷中其四年
祀南郊中常侍張達等與曹騰等爭權白帝言騰等反
矯詔收之騰等自解說帝悟達自知事不諧乃奔走自
刺又征西將軍馬賢擊西羌父子俱戰沒是其應也

四年七月熒惑入南斗犯第三星八月入太微中斗爲
貴相爲揚州熒惑犯之爲兵喪其六年大將軍梁商薨
九江丹陽賊周生等反攻沒郡縣 漢安二年五月丁

文獻通考

卷七

象緯

七

亥辰星犯輿鬼占爲大喪六月乙丑熒惑光芒犯鎮星
占爲大人忌明年八月孝順帝崩又明年沖帝崩

孝質本初元年三月癸丑熒惑入輿鬼四月辛巳太白
入輿鬼皆爲大喪五月庚戌太白犯熒惑爲逆謀閏月
一日帝爲梁冀所鴆崩

孝桓建和元年八月壬寅熒惑犯輿鬼質星 二年二
月辛卯熒惑行在輿鬼中 三年五月己丑太白行入
太微右掖門留十五日出端門丙申熒惑入東井八月
己亥鎮星犯輿鬼中南星乙丑彗星芒長五尺見天市
中東南指色黃白九月戊辰不見熒惑犯輿鬼爲死喪

質星爲戮臣入太微爲亂臣鎮星犯輿鬼爲喪彗星見
天市中爲質貴人至和平元年十二月甲寅梁太后崩
梁冀益驕亂矣永壽元年三月丙申鎮星逆行入太
微中七十四日去左掖門七月己未辰星入太微中八
十日去左掖門八月己巳熒惑入太微二十一日出端
門太微天子廷也鎮星爲貴臣妃后逆行爲匿謀辰星
入太微爲大水一曰後宮有憂是歲洛水溢至津門南
陽大水熒惑雷入太微中又爲亂臣是時梁氏專政九
月癸巳熒惑犯歲星爲姦臣謀大將戮二年六月甲
寅辰星入太微遂伏不見辰星爲水爲兵爲妃后八月

文獻通考

卷七

象緯

三

戊午太白犯軒轅大星爲皇后其三年四月戊寅熒惑
入東井口中爲大臣有誅者其七月丁丑太白犯心前
星爲大臣後一年四月懿獻皇后以憂死大將梁冀使
其蒼頭秦宮刺殺議郎酈尊又欲殺鄧后母宣事覺桓
帝收冀及妻壽襄城君印綬皆自殺誅諸梁及孫氏宗
族或徙邊是其應也延熹四年三月甲寅熒惑犯輿
鬼質星其占大臣有戮死者五年南郡太守李肅坐罪
棄市七年七月戊辰辰星犯歲星八月庚戌熒惑犯
輿鬼質星庚申歲星犯軒轅大星十月丙辰太白犯房
北星丁卯辰星犯太白十二月乙丑熒惑犯軒轅第二

星辰星犯歲星爲兵熒惑犯質星有彘臣歲星犯軒轅
爲女主憂太白犯房北星爲后宮其八年二月太僕南
鄉侯左勝以罪賜死勝弟中常侍上蔡侯憲北鄉侯黨
皆自殺癸亥皇后鄧氏坐執左道廢遷於祠宮死親黨
皆繫暴室又荊州刺史芝等坐爲賊所拘略桂陽太守
任允背敵走皆棄市是其應也 八年五月癸酉太白
犯輿鬼質星壬午熒惑入太微右執法閏月己未太白
犯心前星十月癸酉歲星犯左執法十一月戊午歲星
入太微犯左執法 九年正月壬辰歲星入太微中五

十八日出端門六月壬戌太白行入輿鬼七月乙未熒

文獻通考

卷一百一

象緯

三

惑行輿鬼中犯質星九月辛亥熒惑入太微西門積五
十八日 永康元年正月庚寅熒惑逆行入太微東門
雷太微中百一日出端門七月丙戌太白晝見經天太
白犯心前星太白犯輿鬼質星有彘臣熒惑入太微爲
賊臣太白犯心前星爲兵喪歲星入太微犯左執法將
相有誅者歲星入守太微五十日占貴人憂太白熒惑
入輿鬼皆爲死喪又犯質星爲彘臣熒惑雷太微中百
一日占爲人主太白晝見經天爲兵憂在大人其九年

十一月太原太守劉瓚南陽太守成瑨皆坐殺無辜荆
州刺史李隗爲賊所拘尚書郎孟璠坐受金漏言皆棄

市永康元年十二月丁丑桓帝崩太傅陳蕃大將軍竇武尚書令尹勳黃門令山水等皆枉死太白犯心熒惑留太微之應也

孝靈建寧元年六月太白在西方入太微犯西蕃南頭星太微天廷也太白行其中宮門當閉大將被甲兵大臣伏誅其八月陳蕃竇武等被害熹平元年十月熒

惑入南斗中占曰熒惑所守爲兵亂斗爲吳其十一月會稽許昭等聚衆自稱大將軍攻破郡縣五年四月

熒惑在太微中守屏占爲亂臣是時中常侍趙忠張讓等竝爲姦亂光

和四年四月熒惑逆行守心後星十

文獻通考

卷七

象緯

四

月戊午月食心後星占曰爲大喪後三年帝崩中平六年八月丙寅太白犯心前星戊辰犯心中大星其日未冥四刻大將軍何進於省中爲諸黃門所殺己巳車騎將軍何苗爲進部曲將吳匡所殺

魏文帝黃初四年三月癸卯月犯心大星占曰心爲天王位王者惡之十二月丙子月犯心大星占同上五年

歲星入太微逆行積百四十九日乃出占曰五星入太微從右入三十日已上人主有大憂一曰有赦七年

五月帝崩明年帝卽位赦天下六年五月壬戌熒惑

入太微至壬申與歲星相及俱犯右執法至癸酉乃出

占曰從右入三十日巳上人主有大憂又曰月五星犯左右執法大臣有憂一曰執法者誅金火尤甚十一月皇子東武陽王鑿薨七年正月驃騎將軍曹洪免爲庶人四月征南大將軍夏侯尚薨五月帝崩蜀記稱明帝問黃權曰天下鼎立何地爲正對曰當驗天文往者熒惑守心而文帝崩吳蜀無事此其徵也按三國史竝無熒惑守心之文疑是入太微八月吳遂圍江夏寇襄陽大將軍宣帝救襄陽斬吳將張霸等兵喪更王之應也明帝太和五年五月熒惑犯房占曰房四星股肱臣將相位也月五星犯之將相有憂其七月車騎將軍張郃

文獻通考

卷一百一十五

象緯

五

追諸葛亮爲亮所殺十二月太尉華歆薨十一月乙酉月犯軒轅大星占曰女主憂十二月甲辰月犯鎮星凡月蝕五星其國皆亡五星入月其野有逐相六年三月乙亥月犯軒轅大星 青龍二年十月乙丑月犯鎮星戊寅月犯太白占曰人君死又爲兵景初元年公孫淵叛討之三年正月帝崩 三年三月辛卯月犯輿鬼輿鬼主斬殺占曰人多病國有憂又曰大臣憂是年夏及冬大疫四年五月司徒董昭薨七月己巳月犯鍵閉占曰有火災三年七月崇華殿災 三年六月丁未填星犯井鉞戊戌太白又犯之占曰凡月五星犯井鉞悉

爲兵災一曰斧鉞用大臣誅七月填星犯東井距星占
曰大人憂大水五穀不成景初元年夏大水傷稼十月
月犯熒惑占曰貴人死二年四月司徒韓暨薨 四年
五月太白犯畢左股第一星占曰畢爲邊兵又主刑罰
九月涼州塞外胡阿畢師使侵犯諸國西域校尉張就
討之斬首捕虜萬計七月甲寅太白犯軒轅大星占曰
女主憂其後皇后毛氏崩 景初二年二月己丑月犯
心距星又犯中央大星五月乙亥月又犯心距星及中
央大星按占曰王者惡之犯前星太子有憂三年正月
帝崩太子立卒見廢其年十月甲午月犯箕占曰將軍
文獻通考

卷之三

象緯

六

死正始元年車騎將軍黃權薨

少帝正始元年四月戊午月犯昴東頭第一星十月庚
寅月又犯昴北第四星占曰月犯昴胡不安二年六月
鮮卑阿妙兒等寇西方敦煌太守王延破之斬二萬餘
級三年又斬鮮卑大帥及千餘級 二年九月癸酉月
犯輿鬼西北二星三年二月丁未又犯西南星占曰有
錢令一曰大臣憂三年三月太尉滿寵薨四年正月帝
加元服賜羣臣錢各有差 四年十一月月再犯井鉞

是月宣帝討諸葛恪棄城走五年三月曹爽征蜀

五年十一月癸巳填星犯亢距星占曰諸侯有失國者

七年七月丁丑月犯左角占曰天下有兵左將軍死
七月乙亥熒惑犯畢距星占曰有邊兵一曰刑罰用
九年正月辛亥月犯亢南星占曰兵起一曰將軍死七
月癸丑填星犯鍵閉占曰王者不宜出宮下殿嘉平元
年天子謁陵宣帝奏誅曹爽等天子野宿於是失勢
嘉平元年正月甲子太白襲月六月太白犯井距星占
曰國失政大臣爲亂四月太白犯輿鬼占曰大臣誅一
曰兵起其年宣帝奏廢誅曹爽 二年三月己未太白
又犯井距星三年七月王凌與楚王彪有謀皆伏誅人
主遂卑

文獻通考

卷一百一十七

象緯

七

吳孫權赤烏十三年夏五月月北至惑熒逆行入南斗
秋七月犯魁第三星而東漢晉春秋云逆行按占熒惑
入南斗三月吳王死一曰熒惑逆行其地有死君太和
二年權薨是其應也故國書於吳是時王陵謀立楚王
彪謂斗中有星當有暴貴者以問知星人浩詳詳疑有
故欲悅其意不言吳有死喪而言淮南楚分吳楚同占
當有王者興故凌計遂定 三年四月戊寅月犯東井
五月甲寅月犯亢距星占曰軍將死一曰爲兵是月王
陵楚王彪等誅七月皇后甄氏崩 四年三月吳將爲
寇鎮東將軍諸葛誕破走之其年七月己巳月犯輿鬼

九月乙巳又犯之十月癸未熒惑犯亢南星占羣臣有亂十一月丁未月犯鬼積尸 五年六月戊午太白犯角占曰羣臣有謀不成庚辰月犯箕星占曰軍將死七月月犯星井鉞丙午月又犯鬼西北星占曰國有憂十一月癸酉月犯東井距星占曰將軍死正元元年正月鎮東將軍毋邱檢揚州刺史文欽反兵俱敗死二月李豐及弟翼后父張緝等謀亂事泄悉誅皇后張氏廢九月帝廢爲齊王蜀將姜維攻隴西車騎將軍郭淮討破之

高貴鄉公正元二年二月戊午熒惑犯東井北轅西頭文獻通考

卷之三

象緯

六

第一星 甘露元年七月乙卯熒惑犯東井鉞星壬戌月又犯鉞星八月辛亥月犯箕吳廢孫亮 太平元年九月壬辰太白犯南斗吳志所書也占曰太白犯斗國有兵大臣有反者其明年諸葛誕反又明年孫綝廢亮吳魏並有兵事也 甘露元年九月丁巳月犯東井二年六月己酉月犯心中央大星八月壬子歲星犯井鉞九月庚寅歲星逆行乘井鉞十月丙寅太白犯亢距星占曰逆臣爲亂人君憂景元元年五月有成濟之變諸葛誕誅皆其應也 二年三月庚子太白犯東井占曰

國失政大臣爲亂是夜歲星又犯東井占曰兵起至景

元元年高貴鄉公敗 三年八月壬辰歲星犯輿鬼質
星占曰斧鑕用大臣誅 四年四月甲申歲星又犯輿
鬼東南星占曰鬼東南星主兵木入鬼大臣誅景元元
年殺尙書王經

元帝景元元年春月犯建星按占月五星犯建星大臣
相譖其後鍾會鄧艾破蜀會譖艾 二年四月熒惑入
太微犯右執法占曰人主有大憂一云大臣憂 四年
十月歲星守房占曰將相有憂一云有大赦明年鄧艾
鍾會皆夷滅赦蜀十五年帝遜位

文獻通考

卷一百一十五

象緯

九

卷二百八十七終

文獻通考卷二百八十八

鄱陽馬端臨貴與著

象緯考十一

月五星凌犯

晉武帝咸寧四年九月太白當見不見占曰是謂失舍不有破軍必有亡國是時羊祜表求伐吳上許之五年十一月兵出太白始夕見西方太康元年平吳太康八年三月熒惑守心占曰王者惡之太熙元年四月乙酉帝崩

惠帝元康三年四月熒惑守太微六十日占曰諸侯三

文獻通考

象緯考

卷十一

一

公謀其上必有斬臣一曰天下亡國是春太白守畢至是百餘日占曰有急令之憂一曰相死又爲邊境不安後賈后陷殺太子六年十月乙未太白晝見九年六月熒惑守心占曰王者惡之八月熒惑入羽林占曰禁兵大起其後帝見廢爲太上皇俄而三王起兵討趙王倫倫悉遣中軍兵相距累月永康元年三月中台星坼太白晝見占曰台星失常二公憂太白晝見爲不臣是月賈后殺太子趙王倫尋廢殺后斬司空張華其五月熒惑入南斗占曰宰相死兵大起斗又吳分野是時趙王倫爲相明年篡位三王興師誅之泰安二年石

水破揚州其八月熒惑入箕占曰人主失位兵起明年
趙王倫篡位改元 二年二月太白出西方逆行入東
井占曰國失政大臣爲亂時齊王周起兵討趙王倫倫
滅周擁兵不朝專權淫奢明年誅死 永寧元年七月
歲星守虛危占曰有兵憂虛危齊分一曰守虛饑守危
僇役繁多下屈竭辰星入太微占曰爲內亂羣臣相殺
太白守右掖門占曰爲兵爲亂爲賊八月戊午填星犯
左執法又犯上相占曰上相憂熒惑守昴占曰趙魏有
災辰星守輿鬼占曰秦有災九月丁未月犯左角占曰
人主憂一曰左衛將軍死天下有兵 泰安二年二月

文獻通考

卷一百一十五

象緯

二

太白入昴七月熒惑入東井是秋太白守太微占曰天
下擾兵大起國亂上將以兵亡是年冬成都河間攻洛
陽八月長沙王奉帝出距二王二年正月東海王越執
長沙王又張方又殺之十一月庚辰歲星入月中占曰
國有逐相十二月壬寅太白犯月占曰天下有兵 三
年正月月犯太白熒惑入南斗占同七月左衛將軍陳
暉率衆奉帝伐成都王六軍敗績兵逼乘輿時天下盜
賊羣起張昌尤盛 永興元年七月庚申太白犯角亢
經房心歷尾箕九月入南斗占曰犯角天下大戰犯亢
有大兵人君憂入房心爲兵喪犯尾箕女主憂一曰天

下大亂入南斗有兵喪一曰將軍爲亂其所犯守又兗
豫幽冀揚州之分野是年七月有蕩陰之役九月王浚
殺幽州刺史和演攻鄴鄴潰於是兗豫爲天下兵衝陳
敏又亂揚土劉元海石勒李雄等竝起微賤跨有州郡
皇后羊氏數被幽廢皆應也 二年四月丙子太白犯
狼星占曰大兵起九月彗星守東井占曰有兵井又秦
分野是年苟晞破公師蕃張方破范陽王虓關西諸將
攻河閒王顥奔走東海王迎殺之 光熙元年四月太
白失行自翼入尾箕占曰太白失行而北是謂反生不
有破軍必有屠城五月汲桑攻鄴魏郡太守馮嵩出戰
文獻通考

卷一百一十五

象緯

三

大敗桑遂害東燕王騰殺萬餘人焚燒魏時宮室皆盡
其九月丁未熒惑守心占曰王者惡之己亥填星守房
心占曰填守房多禍喪守心國內亂天下赦是時司馬
越專權終以無禮破滅內亂之應也十一月帝崩懷帝
卽位大赦天下

懷帝永嘉二年正月庚午太白伏不見二月庚子始晨
見東方是謂當見不見占同上其後破軍殺將不可勝
數帝崩虜庭中夏淪覆 三年正月庚子熒惑犯紫微
占曰當有野死之王又爲火燒宮是時太史令高堂沖
奏乘輿宜遷幸不然必無洛陽五年六月劉曜王彌入

京都焚燒宮廟執帝歸平陽 四年填星久守南斗占
日填星所居久者其國有福是時安東將軍琅邪王始
有揚土其年十一月地動陳卓以爲是地動之應也
五年十月熒惑守心 六年六月丁卯太白犯太微占
日兵入天子庭王者惡之七月帝崩於寇庭天下行服
大臨

元帝太興元年七月太白犯南斗占曰吳越有兵大人
憂 二年二月甲申熒惑犯東井占曰兵起貴臣相戮
八月己卯太白犯軒轅大星占曰後宮憂十一月辛巳
月犯熒惑占曰有亂臣 三年五月戊子太白入太微

文獻通考

卷一百一十五

象緯

四

又犯上將星占曰天子自將上將誅九月太白犯南斗
十月己亥熒惑在東井居五諸侯南踰畱積三十日
占曰熒惑守井二十日以上大人憂守五諸侯諸侯有
誅者永昌元年三月王敦反攻京師六軍敗績人主謝
過敦殺周顛刁協譙王承甘卓閏十一月帝崩十二月
己未太白八月在斗郭璞曰月屬坎陰府法象也太白
金行而來犯之天意若曰刑理失中自毀其法 四年
十二月丁亥月犯歲星在旁占曰其國兵饑人流亡永
昌初王敦反百姓困於兵革

明帝太寧三年正月熒惑逆行入太微占曰爲兵喪王

者惡之閏八月帝崩後二年蘇峻反攻焚宮室太后以憂備崩天子幽劫於石頭城遠近兵亂至四年乃息

成帝咸和六年正月景辰月入南斗占曰有兵是月石勒殺略婁武進二縣人明年石勒衆又鈔略南涉海虞其十一月熒惑守胃昴占曰趙魏有兵八年七月石勒死石季龍自立是時雖二石僭號而其強弱常占於昴不闕太微紫宮也 八年三月己巳月入南斗與六年

占同其年七月石勒死彭彪以譙石生以長安郭權以秦州竝歸順於是遣督護喬球率衆救彪彪敗球退又石季龍石斌攻滅生權其七月熒惑入昴占曰胡王死

文獻通考

卷一百一十五

象緯

五

一曰趙地有兵是月石勒死石季龍多所攻沒八月月又犯昴占曰胡不安 九年三月己亥熒惑入輿鬼犯積尸占曰兵在西北有沒軍死將六月八月月又犯昴是時石弘雖襲勒位而石季龍擅威橫暴十一月廢弘自立遂幽殺之 咸康元年二月己亥太白犯昴占曰兵起歲中旱四月石季龍略騎至歷陽加司徒王導大司馬治兵列守衝要時石季龍又圍襄陽六月旱其年二月景戌月入昴占曰胡王死八月戌熒惑入東井占曰無兵兵起有兵兵止十一月月犯昴二月乙未太白入月四月甲午月犯太白 二年正月辛亥月犯

房得第二星八月月又犯昴九月庚寅太白犯南斗占
曰斗爲宰相又揚州分金犯之死喪之象其後石虎僭
王攻段遼龔慕容皝不克皝擊破并虜段遼 三年七
月己酉月犯房上星八月熒或入輿鬼犯積尸甲戌月
犯東井距星九月月犯建星 四年四月己巳七月乙
巳月俱奄太白占曰人君死又爲兵人主惡之五月戊
戌熒惑犯右執法占曰大臣死執政憂九月太白又犯
右執法按占曰五星災同金水尤甚十一月戊子太白
犯房上星占曰上相憂 五年四月辛未月犯歲星在

胃占曰國饑人流乙未月犯歲星在昴又犯畢距星占

文獻通考

卷六

象緯

六

曰兵起七月己酉月犯房上星占曰將相憂是月庚申
丞相王導薨庾冰代輔政八月太尉郗鑑薨又有沔南
郗城之敗百姓流亡萬餘家六年正月征西大將軍庾
亮薨 六年三月甲辰熒惑犯太微上將星占曰上將
憂四月丁丑熒惑犯右執法占曰執政者憂六月乙亥
月犯牽牛中央星占曰大將憂是時尙書令何充爲執
法有譴欲避其咎明年求爲中書令其四月景午太白
犯畢距星占曰兵革起一曰女主憂六月乙卯太白犯
軒轅大星占曰女主憂七年三月皇后杜崩 七年三
月壬午月犯房四月己丑太白入輿鬼五月太白晝見

八月辛丑月犯輿鬼 八年六月熒惑犯房上第二星
占曰次相憂八月壬寅月犯畢占曰下犯上兵革起十
月月又掩畢大星占同上其建元元年車騎將軍庾冰
薨庾翼大發兵謀伐石季龍專制上流朝廷憚之

康帝建元二年正月壬午太白入昴占曰趙地有兵又
曰天下兵起四月乙酉太白晝見是年石季龍殺其子
遂遣將寇沒狄道及屯薊東謀慕容皝 三年歲星犯
天關安西將軍庾翼與兄冰書曰歲星犯天關占曰關
梁當分比來江東無他故江道亦不艱難而石季龍頻
年再閉關不通信使此便是天公憤憤無阜白之徵也

文獻通考

卷六

象緯

七

其閏月乙酉太白犯斗占曰爲喪天下受爵祿九月帝
崩太子立大赦賜爵

穆帝永和元年正月丁丑月入畢占曰兵大起戊寅月
犯天關占曰有亂臣更天子之法五月辛巳太白晝見
在東井占曰爲臣強秦有兵六月辛丑月入太微犯屏
西南星占曰輔臣有免罷者七月八月皆犯畢占同
上己未月犯輿鬼占曰大臣有誅九月庚戌月又犯畢
是年初庾翼在襄陽七月翼疾將終輒以子爰之爲荊
州刺史代已任爰之尋被廢明年桓溫又輒率衆伐蜀
執李勢送至京師蜀本秦地也 二年二月壬子月犯

房上星四月景戌又犯房上星八月壬申太白犯左執法
三年正月壬午月犯南斗第五星占曰將軍死近
臣去五月壬申月犯南斗第四星因入魁占曰有兵一
曰有大赦六月月犯東井距星占曰將軍死國有憂戌
戌月犯五諸侯占曰諸侯有誅九月庚寅太白犯南斗
第五星占曰爲喪爲兵四年七月景申太白犯左執法
甲寅月犯房丁巳入南斗犯第二星乙丑太白犯左執
法占悉同上十月甲辰月犯亢占曰兵起將軍死十一
月戌戌月犯上將星二年六月大赦是月陳達征壽春
敗而還七月氏蜀餘寇反亂益土九月石季龍伐涼州
文獻通考

卷一百一

象緯

八

五年征北大將軍褚裒卒四年四月太白入昴是時
戎晉相侵趙地連兵尤甚七月太白犯軒轅占曰在趙
及爲兵喪甲寅月犯房十月甲戌月犯亢占曰兵起將
軍死八月石季龍太子宣殺弟韜宣亦死其十一月戌
戌月犯上將星五年正月石季龍僭號稱皇帝尋死
五年四月丁未太白犯東井占曰秦有兵九月戌戌太
白犯左角占曰爲兵十月月犯昴占曰胡有憂將軍死
是年八月褚裒北征兵敗十月關中二十餘壁舉兵內
附石遵攻沒南陽十一月冉閔殺石遵又盡殺胡十餘
萬人於是趙魏大亂十二月褚裒薨八年劉顯持健慕

容雋竝僭號殷浩北伐敗績見廢 六年二月辛酉月

犯心大星占曰大人憂又豫州分野也丁丑月犯房占
曰將相憂六月己丑月犯昴占同上乙未月犯五諸侯
占曰同上七月壬寅月始出西方犯左角占曰大將死
一曰天下有兵丁未月犯箕占曰將軍死景寅熒惑犯
鉞星占曰大臣有誅八月辛卯月犯左角太白晝見在
南斗月犯右執法占竝同上是歲司徒蔡謨免爲庶人

七年二月太白犯昴占同上三月乙卯熒惑入輿鬼
犯積尸占曰貴人有憂五月乙未熒惑犯軒轅大星占
曰女主憂太白入畢口犯左股占曰將相當之六月乙

文獻通考

卷稽天

象緯

九

亥月犯箕占曰國有兵景子月犯斗丁丑熒惑入太微
犯右執法八月庚午太白犯軒轅戊子太白犯右執法
占悉同上七年劉顯殺石祗及諸將帥山東大亂疾疫
死亡 八年三月戊戌月犯軒轅大星癸丑月入南斗
犯第二星五月犯心星六月癸酉月犯房七月壬子歲
星犯東井距星占曰內亂兵起八月戊戌熒惑入輿鬼
占曰忠臣戮死景辰太白入南斗犯第四星占曰將爲
亂一曰丞相免十二月月在東井犯歲星占曰秦饑人
流亡 九年二月乙巳月入南斗第三星三月戊辰月
犯房八月歲星犯輿鬼東南星占曰兵起時帝幼沖母

后專政將相有隙兵革連起慕容儁僭號攻伐不休
十年正月己卯月蝕昴星占曰趙魏有兵癸酉填星奄
鉞星占曰斧鉞用三月甲申月犯心大星占曰王者惡
之九月辛酉太白犯左執法十一月月奄填星在輿鬼
占曰秦有兵時桓溫伐苻健破姚襄 十一年三月辛
亥月奄軒轅占同上四月庚寅月犯牛宿南星占曰國
有憂八月己未太白犯天江占曰河津不通 十二年
六月庚子太白晝見在東井占如上己未月犯鉞星八
月癸酉月奄建星九月戊寅熒惑入太微犯西蕃上將
星十一月丁丑熒惑犯太微東蕃上將星十二年十一

文獻通考

卷一百一十五

雜象

十

月齊城陷執段龕殺三千餘人永和三年鮮卑侵略河
冀升平元年慕容儁遂據臨漳盡有幽并青冀之地緣
河諸將奔散河津隔絕時權在方伯九服交兵 升平
元年四月壬子太白入輿鬼丁亥月奄井南轅西頭第
三星占曰秦地有兵一曰將死六月戊戌太白晝見在
軫占同上軫是楚分野壬子月犯畢占曰爲邊兵七月
辛巳熒惑犯天江占曰河津不通十一月歲星犯房占
曰豫州有災其年五月苻堅殺苻生而立十二月慕容
儁入屯鄴二年八月豫州刺史謝奕薨 二年閏三月
月犯歲星在房十月太白犯哭星占曰有大哭泣十二

月填星犯軒轅大星占曰人主惡之甲午月犯東井
三年正月熒惑犯撻閉星三月復逆行犯鉤鈴占俱曰
人主惡之月犯太白在昴占曰人君死一曰趙地有兵
胡不安六月太白犯東井七月熒惑犯天江丙戌太白
犯輿鬼占悉同上戊子月犯牽牛中央大星占曰牽牛
大將犯之將軍死八月太白犯軒轅大星甲子月犯畢
大星占曰爲邊兵一曰下犯上三年十月諸葛攸舟軍
入河敗績豫州刺史謝萬入朝衆潰而歸萬除名司徒
會稽王以二鎮敗求自貶三等四年正月慕容儁死子
暉代立慕容恪殺其尙書令陽騫等 四年正月月犯

文獻通考

卷稽天

象緯

七

牽牛中央大星六月辰星犯軒轅占曰女主憂己未太
白入太微右掖門從端門出占曰貴奪勢一曰有兵又
曰出端門臣不臣八月太白犯氐占國有憂熒惑犯太
微西蕃上將星九月太白入南斗口犯第四星占曰爲
喪有赦天下受爵祿十二月熒惑犯房月犯撻閉占人
主惡之 五年正月乙丑月在危宿奄太白占曰天下
靡散乙巳填星逆行犯太微三月月犯填星在軫占曰
爲大喪五月月犯太微又犯建星占曰大臣相謀時殷
浩敗績坐廢其月辛亥月犯牽牛宿占曰國有憂六月
癸亥月犯氐東北星占曰大將當之五年正月北中郎

將郤曇薨五月帝崩哀帝立大赦賜爵褚后失勢七月
慕容恪攻冀州刺史呂護於野王護奔滎陽是時桓溫
以大衆次宛聞護敗乃退六月癸酉月奄氏東北星占
曰大將軍當之九月乙酉月奄畢占曰有邊兵十月丁
未月犯畢大星占曰下犯上又曰有邊兵八月范汪廢
隆和元年慕容暉遣將寇河陰

哀帝興寧三年七月月犯南斗占曰女主憂歲星犯興
鬼占曰人君憂明年廢后崩

海西公太和元年二月月奄熒惑在參占曰爲內亂帝
不終之徵一曰參魏地五年慕容暉亡 二年正月太

文獻通考

卷第六

象緯

三

白入昴五年持堅滅燕據幽冀司并四州 六年閏月
熒惑守太微端門占曰天子亡國又曰諸侯三公謀其
上一曰有斬臣辛卯月犯心大星占曰王者惡之十一
月桓溫廢帝并奏誅武陵王簡文不許溫乃徙之新安
皆臣強之應也

簡文帝咸安元年十二月辛卯熒惑逆行入太微二年
三月猶不退占曰國不安有憂是時帝有桓溫之逼

二年五月丁未太白犯天關占曰兵起歲星形色如太
白占曰進退如度姦邪息變色亂行主無福歲星於仲
夏當細小而不明此其失常也又爲臣強六月太白晝

見在七星乙酉太白犯輿鬼占曰國有憂七月帝崩桓
温以兵威擅權將誅王坦之等內外迫脅又庾希入京
城盧標入宮竝誅滅之

孝武寧康元年正月戊申月奄心大星按占曰災不在
王者則在豫州一日王命惡之三月景午月奄南斗第
五星占曰大臣有憂死亡一日將軍死七月桓温薨九
月癸巳熒惑入太微是時女主臨朝政事多缺 二年

閏月己未月奄牽牛南星占曰左將軍死十二月甲申
太白晝見在氐氏兖州分野三年五月景午北中郎將
王坦之薨 三年六月癸卯太白犯東井占曰秦地有

文獻通考

卷一百一十五

象緯

三

兵九月戊申熒惑奄左執法占曰執法者死太元元年
苻堅破涼州二年十月尙書令王彪之卒 太元元年

四月景戌熒惑犯南斗第三星景申又奄第四星占曰
兵大起中國饑一日有赦八月癸酉太白晝見在氐氏
兖州分野九月熒惑犯哭泣星遂入羽林占曰天子有
哭泣事中軍兵起十一月己未月奄氐角占曰天下有
兵一日國有憂 二年二月熒惑守羽林占曰禁兵大

起九月壬子太白晝見在角角兖州分野升平元年五
月大赦三年八月秦人寇樊鄧襄陽彭城四年二月襄
陽陷朱序沒四月魏興陷賊聚廣陵三河衆五六萬於

是諸軍外次衝要丹陽尹屯衛京師六月兗州刺史謝元討賊大破之是時中外連兵比年荒儉 四年十一月丁巳太白犯哭星占曰天子有哭泣事 五年七月景子辰星犯軒轅占曰女主當之九月癸未皇后王氏崩 十二年二月熒惑入月占曰有亂臣死若有相戮者一曰女親爲政天下亂時琅琊王輔政王妃從兄王國寶以姻暱受寵袁悅等交違主相扇揚朋黨帝殺悅自是主相有隙亂階興 十三年十一月辰星入月在危占曰賊臣欲殺主不出三年必有內惡十二月熒惑在角亢形色猛盛占曰熒惑失其常吏且棄其法諸侯文獻通考

卷一百一十五

象緯

占

亂政自是慕容垂翟遼姚萇苻登慕容永竝阻兵爭強十四年十二月月犯歲星熒惑入羽林占竝同上十五年翟遼據司兗衆軍累討弗克慕容氏又跨略并冀七月旱八月詣郡大水兗州又蝗 十五年九月熒惑入太微十月太白入羽林 十六年十一月癸巳月奄心前星占曰太子憂時太子常有篤疾 十八年正月熒惑入月占曰憂在宮中非賊乃盜也一曰有亂臣若有戮者二十一年九月帝暴崩衆言張夫人弑逆又王國寶邪狡卒伏其辜 十九年四月月奄歲星在尾占曰爲饑燕國亡二十年慕容垂伐魏反爲所破死者數

萬人垂死國遂衰亡 二十年六月熒惑入天囷占曰
大饑十二月己巳月犯樞閉成東西咸占曰樞閉司心
腹喉舌東西咸主陰謀 二十一年四月壬午太白入
天囷占曰爲饑六月歲星犯哭泣星占曰有哭泣事是
年帝崩隆安元年王恭等舉兵脅朝廷於是內外戒嚴
殺王國寶以謝之又連歲水旱三方動衆人饑

安帝隆安元年正月熒惑犯哭泣星占曰有哭泣事六
月月奄太白在太微端門外占曰國受兵乙酉月奄歲
星在東壁占曰爲饑衛地有兵二年六月郗恢遣鄧啓
方以萬人伐慕容於滑臺啓方敗三年桓元等竝舉兵
文獻通考

卷一百一十五

象緯

五

內外戒嚴 三年五月月奄東上相辰星犯軒轅大星
占悉同上其年庾楷等舉兵表誅王愉等內外戒嚴三
年洛陽沒於寇桓元破荆雍州殺殷仲堪等孫恩聚衆
攻沒會稽殺內史 四年正月乙亥月犯填星在牽牛
占曰吳越有兵喪女主憂六月月犯哭星又犯填星十
月月奄歲星在北河占爲饑胡有兵其四年五月孫恩
亂七月太皇太后李氏崩七月癸亥大角星散搖五色
占曰王者流散丁卯月犯天關占王者憂九月熒惑犯
少微又守之占曰處士誅十月月犯東次相其次年盧
循桓元內外遘逆 元興元年四月月奄辰星七月大

饑人相食熒惑在東井犯輿鬼積尸八月太白犯右執法九月太白犯進賢占曰進賢者誅 二年二月歲星犯西上將六月月奄斗第四星占曰大臣誅不出十一月十二月月犯熒惑是月桓元篡位 三年正月熒惑逆行犯太微西上相占曰天子戰於野上相死月奄歲星於左角占曰天下兵起二月熒惑逆行在左執法西北占曰執法者誅四月月奄軒轅第二星五月月奄斗第二星填星入羽林是年春劉裕討桓元元劫天子如江陵五月義軍破滅之 義熙元年三月月奄左執法

及心前星占曰豫州有災太白犯東井占曰秦有兵四文獻通考

卷一百一十五

象緯

六

月月犯填星在東壁占曰其地亡國貴人死一曰人流八月太白犯斗第一星占曰天下有兵一曰大人憂九月熒惑犯少微占曰處士誅又犯左右執法十月奄填星在營室十一月景戌太白犯鉤鈴占曰喉舌憂十二月己卯歲星犯天關占曰有兵亂河津不通十一月荆州刺史魏詠之薨二年二月司馬國璠等攻沒弋陽四月姚興伐仇池公楊盛擊走之九月益州刺史司馬榮期爲其參軍楊承祖所害三年十二月司徒揚州刺史王謐薨四年正月太保武陵王遵薨三月左僕射孔安國卒自後政在劉裕人主端拱而已 二年二月太白

犯南河占曰兵起己丑月犯心後星占曰豫州有災四月癸丑月犯太微西上將己未月犯房南第二星乙丑歲星犯天江占曰有兵亂河津不通五月癸未月犯左角占曰左將軍死天下有兵壬寅熒惑犯氏占曰氏爲宿宮人主憂六月庚午熒惑犯房北第二星八月癸亥熒惑犯南斗第五星丁巳犯建星占曰爲兵九月壬午熒惑犯昴星又犯泣星是年二月甲戌司馬國潘等攻沒弋陽又慕容超侵略徐兗三年正月又寇北徐州至下邳十二月司徒王謚薨四年正月武陵王遵薨五年慕容超復寇淮北四月劉裕大軍討之校臨朐又圍廣

文獻通考

卷一百一十五

象緯

七

固十二月月奄太白在危占曰齊亡國五年劉裕滅燕三年月奄心後星又犯左角八月太白犯左執法熒惑復犯之九月熒惑犯進賢 四年正月熒惑犯天關五月月奄斗第二星填星犯天廩占曰天下饑倉粟少六月太白犯太微西上將又犯左執法十月熒惑入羽林 五年二月月犯昴占曰胡不安天子破匈奴五月戊戌歲星入羽林九月犯昴十月熒惑犯氏又犯鉤鈴己巳奄心大星占曰王者惡之是年劉裕討慕容超十月魏王珪遇弑徂次年盧循逼郊甸 六年三月丁卯月奄房南第二星災在次相己巳又奄斗第五星占斗

上吳地兵起太白犯五諸侯占曰諸侯有誅五月甲子
月奄斗第五星己亥月奄昴三星占曰國有憂一曰有
白衣之會六月己丑月犯房南第二星甲午太白晝見
七月己亥月犯輿鬼占曰國有憂一曰秦有兵八月壬
午太白犯軒轅大星甲申月犯心前星災在豫州景戌
月犯斗第五星占同上丁丑月奄牛宿南星占曰天下
有大誅乙未太白犯少微景午太白在少微而晝見九
月甲寅太白犯左執法丁丑填星犯畢占曰有邊兵是
年徐道覆盧循反衆逼郊畿七年十二月破斬之八年

豫州刺史劉道規卒

七年四月熒惑入輿鬼占曰秦

文獻通考

卷之六

象緯

六

有兵一曰雍州災六月填星犯天關占曰臣謀主月犯
歲星在畢占曰有邊兵且饑八月太白犯房南第二星
月犯歲星在參占曰益州兵饑七月朱齡石克蜀蜀又
反討滅之十一月太白犯哭星 八年正月月犯歲星
在畢七月癸亥月奄房北第二星己未月犯井鉞八月
戊申月犯泣星十月辛亥月奄天關占曰有兵十一月
丁丑填星犯東井占曰大人憂十二月癸卯填星犯井
鉞是年八月皇后王氏崩九月誅劉蕃謝琨討滅劉毅
十二月朱齡石滅蜀 九年二月熒惑入輿鬼占曰有
兵喪太白犯南河占曰兵起五月壬辰太白犯右執法

晝見七月庚午月奄鉤鈴占曰曠舌臣憂九月庚午歲星犯軒轅大星己丑月犯左角時劉裕擅命兵革不休十年裕討司馬休之王師不利休之等奔長安 十年

正月丁卯月犯畢占曰將相有以家坐罪者二月己酉月犯房北星五月壬寅月犯牽牛南星乙丑歲星犯軒轅大星占悉同上六月景申月奄氐占曰將死之國有誅者七月庚辰月犯天關占曰兵起熒惑犯井鉞填星犯輿鬼遂守之占曰大人憂宗廟改八月丁酉月奄牽牛南占同上九月填星犯輿鬼占曰人主憂丁己太白入羽林十二月己酉月犯西咸占曰有陰謀十一年林

文獻通考

卷九

象緯

七

邑寇交州距敗之 十一年三月丁己月入畢占曰天下兵起一曰有邊兵己卯熒惑入輿鬼閏月景午填星又入輿鬼占曰爲旱大疫爲亂臣五月癸卯熒惑入太微甲辰犯右執法六月己未太白犯東井占曰秦有兵戊寅犯輿鬼占曰國有憂七月辛丑月犯畢占同上八月壬子月犯氐占同上庚申太白順行從右掖門入太微丁卯奄左執法十一月癸亥月入畢占同上乙未月入輿鬼而暈 十二年五月月犯歲星在左角占曰爲

饑歲星留房心之間宋之分野始封劉裕爲宋公六月壬子太白順行入太微右掖門己巳月犯畢占同上七

月月犯牛宿十月景戌月入畢 十三年五月景子月
犯軒轅丁亥犯牽牛癸巳熒惑犯右執法八月己酉犯
牽牛丁卯月犯太微占曰人君憂九月壬辰熒惑犯軒
轅十月戊申月犯畢悉同上月犯箕占曰國有憂甲寅
月犯畢占同上乙卯填星犯太微留積七十餘日占曰
亡君之戒壬戌月犯太微 十四年三月癸巳太白犯
五諸侯四月壬申月犯填星於張占曰天下有大喪其
明年帝崩五月庚子月犯太微七月甲辰熒惑犯輿鬼
占曰秦有兵又爲旱爲兵喪亦曰大人憂宗廟改亦爲
亂臣時劉裕擅命軍旅數興饑旱相屬其後卒移晉室

文獻通考

卷一百一

象緯

三

丁巳月犯東井占曰軍將死八月甲子太白犯軒轅癸
酉填星入太微犯右執法因留太微中積二百餘日乃
去占曰填星守太微亡君之戒有徙王九月乙未太白
入太微犯左執法丁巳入太微占曰大人憂十月甲申
月入太微癸巳熒惑入太微犯西蕃上將仍順行至左
掖門內留二十日乃逆行義熙十二年七月劉裕伐姚
泓十三年八月擒姚泓司兗秦雍悉平十四年劉裕還
彭城受宋公十一月左僕射前將軍劉穆之卒明年西
虜寇長安雍州刺史朱齡石諸軍陷沒官軍捨而東
恭帝元熙元年正月三月五月月皆犯太微辰星犯軒

轅六月太白犯太微七月月犯歲星太白犯哭星十二月月入太白俱入羽林 二年三月填星犯太微元年七月劉裕受宋王是年六月帝遜位於宋 宋孝武孝建二年五月乙未熒惑入南斗 齊東昏侯永元三年十一月甲寅辰星及太白俱見南方是日荊州長史蕭穎胄奉南康王寶融起兵後卽帝位是爲和帝

梁武帝天監元年八月壬寅熒惑守南斗占曰糴貴五穀不成大旱多火災宰相死是歲大旱米斗五千人多餓死五月尙書范雲卒 二年五月丙辰月犯心占曰

文獻通考

卷一百六

象緯

三

有亂臣其四年交州刺史李凱舉兵反七月景子太白犯軒轅大星 七年九月己亥月犯東井占曰有水災其年京師大水 十三年二月太白失行在天關占曰津梁不通又兵起其年填星守天江占曰有江河塞有決溢有土功其年大發軍衆造浮山碣淮水至十四年填星去天江而堰壞奔流決溢 十四年十月辛未太白犯南斗 十七年閏八月戊辰月行奄昴 普通六年三月丙午歲星入南斗九月壬子太白犯右執法 大通元年八月月奄填星占曰有大喪天下無主國易政其後上幸同泰寺捨身王公以錢奉贖又太子薨皆

無主易政大喪之應

中大通元年閏月壬戌熒惑犯

鬼積尸星占曰有大喪大兵破軍殺將其二年蕭玩帥

衆援巴州爲魏所敗玩被殺 六年熒惑在南斗占曰

熒惑出入雷舍南斗中有賊臣謀及天下易政改元其

年十二月北梁州刺史蘭欽舉兵反後改大同元年

大同三年三月歲星奄建星占曰有反臣其年會稽山

賊起七年交州刺史李賁反 太清三年正月熒惑守

心占曰王者惡之三月熒惑又守心占曰大人易政主

去其宮人饑亡天下大潰其年帝爲侯景所逼崩七月

九江大饑人相食九月月在斗奄歲星占曰天下亡君

文獻通考

卷一百一十五

象緯

三

其後侯景篡殺

元帝承聖三年九月甲午月犯心中星占曰有反臣王

者惡之有亡國其後三年帝爲周師所俘梁亡陳氏取

國

陳武帝永定三年九月入南斗占曰天子憂太子殃

後二年帝崩太子昌在周爲質文帝立後昌還國爲侯

安都迎殺之

文帝天嘉元年五月熒惑犯右執法占曰大臣有憂執

法者誅後四年司空侯安都賜死 二年五月己酉歲

星守南斗六月丙戌熒惑犯東井七月乙丑熒惑入鬼

中戊辰熒惑犯斧質十月熒惑行在太微右掖門 三
年閏二月己丑熒惑逆行犯上相甲子太白犯五車填
星七月太白犯輿鬼八月癸卯月犯南斗景午月犯牽
牛庚申太白入太微十一月丁丑月犯畢左股辛巳熒
惑犯茂星戊子月犯角庚寅月入氐 四年六月癸丑
太白犯右執法七月戊子熒惑犯填星八月甲午熒惑
犯軒轅大星丁未太白犯房九月戊寅熒惑入太微犯
右執法癸未太白入南斗占曰太白入斗天下大亂將
相謀反國易政又曰君死不死則廢又曰天下受爵錄
其後安成王爲太傅廢少帝而自立改官受爵之應也

文獻通考

卷一百一十五

象緯

三

辛卯熒惑犯左執法十一月辛酉熒惑犯執法甲戌月
犯畢左股 五年正月甲子月犯畢大星丁卯月犯星
壬寅月入氐又犯熒惑癸卯月犯房上星五月熒惑逆
行二十一日犯氐東南西南星占曰國有賊臣又曰人
主無出廊廟間有伏兵又曰君死有赦後二年少帝廢
之應也六月景申月犯亢七月戊寅月犯畢大星閏十
月庚申月犯牽牛丙子又犯左執法十一月月食畢大
星 六年四月月犯畢軒轅占曰女主有憂五月太白
犯軒轅占同其後少帝廢廢後慈訓太后崩六月己未
月犯氐八月戊辰月奄畢大星景子月與太白竝光芒

相著在太微西藩南三尺所九月辛巳熒惑犯左執法
癸未太白犯右執法辛卯犯左執法己巳月犯上相
廢帝天康元年五月月犯軒轅女御大星占曰女主憂
後年太后崩癸未月犯左執法 光大元年正月月犯
軒轅大星占曰女主當之八月月食哭星占曰有喪泣
事明年太后崩臨海王廢己未月犯歲星占曰國亡君
十二月辛巳月又犯歲星辛卯月犯建星占曰大人惡
之 二年正月月奄歲星占曰國亡君五月月犯太白
六月太白犯左執法八月犯太微十一月丙午歲星守
左執法甲申月犯太微東南星戊子太白入氐其年帝
廢

文獻通考

卷一百一十五

象緯

星

宣帝太建七年五月熒惑犯右執法十年十月月食熒
惑占曰國敗君亡大兵起破軍殺將來年吳明徹敗於
呂梁十三年帝崩 十二年十月戊午月犯牽牛吳越
之野占曰其國君有憂後年帝崩

齊文宣帝天保元年十二月熒惑犯房北頭第一星及
鉤鈴占曰大臣有反者二年太尉彭樂謀反誅 八年

二月歲星守少微經六十三日占曰五官亂五月歲星
犯太微上將占曰大將憂大臣死其十年誅諸元宗室
四十餘家乾明元年誅楊彥遵等皆五官亂大臣死之

應七月月奄心星占曰人主惡之 九年二月熒惑犯
鬼質占曰斧質用有大喪三月熒惑犯軒轅其十年五
月誅諸元十月帝崩斧質用大喪之應也

廢帝乾明元年三月熒惑入軒轅占曰女主凶太寧二
年太后崩

肅宗皇建二年七月熒惑入鬼中犯鬼質占曰有大喪
十一月帝暴崩

武成帝河清元年七月太白犯輿鬼占曰有兵謀誅大
臣斧質用十月冀州刺史平秦王高歸彥反討誅之又
二年殺太原王紹德皆斧質之應八月月奄畢占曰國
文獻通考 舊唐書 象緯 三五
君死大臣誅有邊兵破軍殺將其月歸彥以反誅三年
周師與突厥入并州大戰城西伏尸流血百餘里皆其
應也

後主天統五年二月歲星逆行奄太微上將占曰天下
大驚四轉有誅者五月甲午熒惑犯鬼積尸占曰大臣
誅兵大起斧質用有大喪至武平二年九月誅琅邪王
儼三年誅右丞相斛律明月四年誅蘭陵王長恭皆懿
親名將四年誅崔季舒等皆斧質用之應 四年五月
熒惑犯右執法占曰大將軍死執法者誅其應如前

周閔帝元年五月癸卯太白犯軒轅占曰大臣出令又

曰皇后失勢辛亥熒惑犯東井北端第二星占曰其國亂又曰大旱其年九月冢宰護廢帝幽而弑之又殺司會李植等其冬大旱皆大臣出令大臣死旱之應也明帝二年三月熒惑入軒轅占曰王惡之女主凶其月獨孤后崩六月庚子填星犯井鉞與太白并占曰傷成於鉞君有戮死者其年太師護毒帝崩

武帝保定二年閏正月太白入昴二月壬寅熒惑犯太微上相三月壬午熒惑犯左執法七月太白犯輿鬼

三年九月熒惑犯太微上將十月熒惑犯左執法四年三月熒惑犯房右驂占曰上相誅車馳人走天下兵

文獻通考

卷一百一十五

象緯

五

起其年十月伐齊桂國庸公王雄力戰死之遂班師兵起將死之應也天和元年七月太白犯軒轅大星相

去七寸占曰女主失勢大臣當之又曰西方禍起其十一月太保許公宇文貴薨十月熒惑犯鉤鈴去之六寸

占曰王者憂又曰車騎驚三公謀三年三月太白犯井北轅第一星占曰將軍惡之其七月隋公楊忠薨四

月太白入輿鬼犯積尸占曰大臣誅又曰亂臣在內有屠城四年二月歲星逆行奄太微上將占曰天下大

驚國不安四輔有誅必有兵革天下大赦五月熒惑犯輿鬼及積尸占曰大臣有誅後三年太師宇文護以不

臣誅 六年四月熒惑逆行犯輿鬼占曰有兵喪大臣
誅兵大起其月取齊宜陽等九城六月齊將攻陷汾州
建德元年九月月犯心中星相去一寸占曰亂臣在
旁不出五年下有亡國後伐齊平之 二年二月熒惑

奄鬼西北星占曰大賊在大人之側又曰大臣有誅四
月太白奄西北星又奄東北星占曰國有憂六月月犯
心中後二星占曰不出三年有亡國人主惡之九月太
白犯左執法占曰大臣憂執政誅 三年十二月月犯

歲星在危相去二寸占曰其邦流亡不出三年辛卯月
行在營室食太白占其國以兵亡營室衛在齊地後齊

文獻通考

卷一百一十五

象緯

七

亡 四年三月月犯軒轅大星占曰女主有憂又五官
有亂 五年十月熒惑犯太微西蕃上將星占曰天下
不安上將誅六年皇太子西巡討吐谷渾吐谷渾寇邊
天下不安之應六月熒惑入鬼占曰有喪旱十月歲星
犯大陵 六年四月先時熒惑入太微宮二百日犯東
蕃上相西蕃上將句已往還至此月甲子出端門占曰
爲大臣代主又曰臣不臣有反者又曰大喪後宣武繼
崩高祖以大運代起十月月食熒惑在斗占曰國敗君
亡兵大起斗爲吳越陳之分野 宣政元年七月月犯
心前星占曰太子惡之若失位後靜帝立爲天子不終

之徵己未太白犯軒轅大星占女主凶後二年宣帝崩
隋氏受命廢楊后爲平樂公主餘四后悉廢爲比邱尼
八月庚辰太白入太微占曰爲天下驚又曰近臣起兵
大臣相殺國有憂其後趙陳等五王爲執政所誅大臣
相殺之應也九月丁酉熒惑入太微西掖門庚申犯左
執法相去三寸占曰天下不安大臣有憂又曰執法者
誅若有罪是月汾州稽胡反討平之十一月突厥寇邊
圍酒泉殺略吏人明年二月殺柱國郟公王軌皆其應
也十二月癸未熒惑入氏守犯之三十日占曰天子失
其宮又曰賊臣在內下有反者又曰國君有繫饑死若
文獻通考

卷八

象緯

天

毒死者靜帝禪位隋高祖幽殺之

宣帝大象元年七月壬辰熒惑奄房北頭第一星占曰
亡君之誠又曰將軍爲亂王者惡之大臣有反者天子
憂其十二月帝親御驛馬日行三百里四皇后及文武
侍衛數百人竝乘驛以從房爲天駟熒惑主亂此宣帝
亂道德馳騁軍騎將亡之誠八月辛巳熒惑犯南斗第
五星占曰且有反臣道路不通破軍殺將尉遲迴王謙
等起兵敗亡之徵也九月己酉太白入南斗魁中占曰
天下有大亂將相謀反國易政又曰君死不死則疾又
曰天下爵祿皆高祖受命羣臣分爵之徵也十月壬戌

歲星犯軒轅大星占曰女主憂若失勢

靜帝大定元年正月歲星逆行守右執法熒惑奄房北
第一星占曰房爲明堂布政之宮無德者失之二月隋
王稱帝

隋高祖開皇八年二月填星入東井占曰填星所居有
德利以稱兵其年大舉伐陳克之

煬帝大業元年六月熒惑入太微占曰熒惑爲賊爲亂
入宮宮中不安 三年三月熒惑逆行入南斗色赤如
血如三斗器光芒震耀長七八尺於斗中句已而行占
曰有反臣道路不通國大亂兵大起其後楊元感反雖
文獻通考

卷一百一十五

象緯

完

誅滅而羣盜屯聚剽掠州縣道路不通斗牛楚越分野
元感父初封越後徙封楚 九年五月丁丑熒惑入南

斗 十一年熒惑守羽林占曰衛兵反 十三年六月

鎮星羸而旅於參參唐星也李淳風曰鎮星主福未當
居而居所宿國吉七月熒惑守積尸十一月熒惑犯太
微

恭宗義寧二年三月丙午熒惑入東井占曰大臣憂

